





秋澗先生大全文集卷第六十



憲司箴

肅：憲司虞夏九牧其在漢唐刺史都督控臨  
靡不約束既重其權匪輕所責治弘務簡望隆  
有臺閣清嚴無州郡急迫繡衣四出輜軒金節命服  
有彰非爾徒設奉宣



詔條巡省按決官之邪正政之得失酌汝之言以明  
黜陟俗之媿惡民之休感恃汝注措以安以息  
國有重典越惟刑辟圜土幽囚肺石寃抑仰汝審察  
哀矜致恤毫髮或差追悔何及剛不可憚則氣拂  
弱不可欺則衆忽事無避難避之愈集法母情破



破之有室何以處之必正必式一有私萌力為之克  
如松斯貞如鷲斯擊其嚴秋霜其平砥石是乃  
邦之司直我玉無瑕彼疵可錄志行氣伸吏畏民服  
一道清寧乃稱所屬其或暗夫大體苛細是燭較利  
害之孰多至首尾之畏縮甘於傭身計日而祿官謗  
誰遠頽<sup>厚</sup>原有忤爰作斯箴敢告司僕

言箴

語戒過繁幾先期重我擇我言樞機斯動狂躁輕易  
違理取勝過慮思邪惟言之憎苟不惕乾有害於用  
審察安詳時然後應造次顛沛一出於正其或不然  
自陷於穿念之念之銘箴是師

忍箴

忍之為字以及加心少或弗隱其傷必深家府維哲  
挺而全謂予平生半在官聯萬變前陳履薄臨淵  
少觸與競其心即燃自救弗暇理何有焉量汝之性  
以忍為見惟忍則濟欽哉聖言

銘

楷杖銘并引

孔林之木環異者為多魯人世不知其名者蓋夫子  
沒弟子各持其方之木來樹焉在枌檀龜柞申名殊  
顯者獨文楷耳前朝斲之板持以備新進之儀豈思  
其人重其文敬其手植之意也欽紫陽公携二杖過衛  
一以贈予固識其楷之所以為楷也如是吁昔而簡  
今而杖用雖不同至於重其文敬其手植之意一也



銘曰

體堅而微色正則瑩庫其文挺其性本根傳萬世之芳枝華蔭百王之聖斷而杖之以扶吾道之衰予庶由乎義路之正且予年之方盛是不可施於其鄉予復將斃蛇妖於異日予以叩原壤之脛惟桑與梓必恭且敬矧吾家之草木敢不同甘棠而加愛乎故賡之以舞雩之詠

檳榔杖銘

體堅而柔節促而澤赤藤桃竹非所狎兮青蛇奮蟄腹紋鱗以入手滑兮質挺炎德出入有聲豈特鏗尔甲兮堂許公國喉舌兮杖而登朝表孤節兮是將代太尉之笏擊奸慝於未孽也

芝枕銘 并引

予觀神農氏之經芝之種有五焉紅者如珊瑚青者如翠羽黃者如紫金白者如截肪黑者如澤漆皆光明洞徹如冰之堅五岳之山產焉後之以芝名者不若是豈柳州所謂天澤餘潤雖枯枿敗腐猶能蒸出芝菌以為瑞物是枕之芝或間產名山或蒸出枯枿予不待而知也但不斲不斷底平面傾犀文外繞疊成枕形誠可以薦沐第而承幽人之憇息也銘曰體似重而輕性似柔而剛豈顛木之餘枿薦幽人之野沐質似芝而秀文似犀而光果齋房之瑞氣化奇形而不忘但髣髴兮一枕之妙至於為芝為菌吾不知其物化之常秀比連葉清凝寢香枕或強名用適則



良俾歌之籍之勿邪其所思兮是可以夢周公而接  
羲皇也

砥柱銘

水之為力無物不從津門之險壯夫砥之為雄浩濤  
西來萬夫前攻而戰而薄我當其衝狂瀾勢倒安流  
而東屹嵩華之隆崇也吾儕小人弱值淺中衰俗外  
群邪外訐苟內省而不疚有礙心而直吾躬也

金銀沙三泉銘

山之清潤澤氣以通兮坤之靈秀醴泉以發兮太行  
蟠亘元陽所軌兮天門左界二泉並澄一碧金瓊屑兮  
寶藏泄兮靈淵滄淪海眼徹兮泓澄一碧金瓊屑兮  
金流石爍爽冰雪兮雲煙藉潤為改色兮酌而瀹茗

冷冽兮挹之薦帝明水潔兮淋漓膏液補天缺兮  
女媧鍊石用不竭兮夸娥施擔濯困暍兮七賢尋盟  
醉達兮幽響傳谷鏘瓊瑛兮山空月落仙人竭兮  
池生肥悟真訣兮我銘勒石泉不涸兮

端石硯銘

硯之同功甲與鉞試之敵場惟利堅其或不爾安用  
焉嗚呼此硯穹而圓神龜足跽舌有泉既利我穎墨  
且便青州絳州何所賢題品入格因公權處士或托  
斯銘傳

默齋銘

語寂滅者涉於絕類談自然者入於虛無嗚呼默乎  
其天地閑賢人隱括囊無咎无譽者與至於明良相



遇治具畢張一言而可以興除者如宣父夾谷之盟  
孔明隆中之論茲吾儒之事也豈得退藏於默乎豈  
得退藏於默乎

閑邪齋銘

噫嘻是心既安而放內閑外膠靡不馳嚮忘逸徒流  
于焉板蕩維禮與義以戒以懼存之以誠為閑之具  
有人于斯言動視聽庸信庸謹造次於是成德雖中  
慮萌邪侈一念或非為奸所餌易演文言一閑大馬  
千聖洗心權輿於乾譬海乘載一碇能安如馬泛駕  
六轡則旋險去而夷浪乎斯淵彼碇與勒冒能舍旃  
何歎李侯周防未然搵心知要惕焉拳言信行謹  
其德庶幾一心誠存中太山可移素位而行聖賢同歸

洮石硯銘

吁爾洮水中吐翠欲流礪於砥考之譜端歛齒波及  
余古月子斲而泓堅澤玳孰為尸王御史

瑤瑁龜洗銘

繫月槃漢洗器制爾形從相類漢維魚我龜賁取彼  
壽縮元氣宜子孫傳後裔銘者誰王子系

訥齋銘

堪輿兩間事變靡極成始要終非言莫立玄聖垂教  
訥言為先匪曰終默時然後言喋利口返為事愆  
覆邦亂家身溺于淵倚嗟却君內思靖穎一訥銘齋  
浩其天人亡道存寔大其傳尚來者而恪守猶丹書  
與湯盤也



文貞公笏銘呈竇學士

公家

唐有天下垂三百年於梁者貞觀之治焉其功蓋仁義之一言世之望公三辰在天是則公之德何俟笏而賢耶銘存物亡寔大其傳則是樵之文伊笏之曾五也倚欵竇公國老之元神物有歸寶之几筵安知無望壠而求後因甘棠而思邵伯於燕者耶

仙臺金跡硯銘為宋少卿弘道作

盤、嘯臺一碧千尺湛月露以洗空隱松風之瀟瑟仙游何之留此真跡斷而硯之是將晦靈蹤於翕歛藉玄雲而掩抑神物有歸蘭臺之客會登玉清蕩空碧斗挹滄溟醉憑鰲格拂海苔之霞綫揮仙人之巨筆也

楮都護銘

漢開西域國三十六中置都護控制約束強凌弱折延有攸屬我嗜群經視為席珍繙閱不時未免絲紛亦作護府仰茲楮君統之有要無相奪倫侵損日遠緝熙日新棟架安書曰史曰墳勒銘於上策燕然勛

太秀華銘

丁生贈余湖峯一株頂足背而蒼鱗隱隱渾然天成無微竇可隙植立几案間殆與頤、君子相對殊可玩也昔元春陵作漾溪榭樽等銘命名既異垂戒又深予嘗讀而愛之因銘茲石仍掇其義片石何狀天然自若鱗、蒼窩背露蛟鱉一氣渾淪略無巖壑太湖凝精示我以朴我思古人真風眇邈



變詐百出孰知誠確心深洞府混沌六鑿剛健篤寔君子之質惟其似之是用比德嗚呼安得誠天下之意如茲石之挺特也

書厨銘

至元十七年八月三日夜與子孺燈下觀丹書銘因擬而作此

置之於室胡若載之腹也名汝曰厨以其無不蓄也腹至於餒返為汝所扭也吁其戒之惟最

鸚鵡啄金桃研銘濟堂銘奉此研見謝

翠鸚啄桃翩欲飛去棲影片泚以慧之故芸閣風簾疑若與晤助彩毫端辯夫詞語搥黃鶴而倒芳洲賡正平之賦邪復明辟而以夢諫草梁公之疏也

菊井銘

余到官兩月移居司西官舍治舊井而新之方衆菊爛然擇其佳者植諸欄傍因銘之曰菊井其辭曰

養而不窮者井之德也服而能壽者菊之靈也我潔斯井同羸其餅彼窈然而深泓然而澄蓋南山之餘溢迺濟清而未名思欲沉浸醲郁皆菊之馨庶幾西河南陽之意仁吾民而制頽齡也

冬藏圖右銘

太極中分有靜有動氣與理錯未免交關孰盡聖哲不思而中思而或邪奚翅荒縱理明伊何精一為重閑邪存誠發而可衷內莊全體外致吾用旦也奚思



尹則孰覺一洗妄心盡易前錯學孔之學樂顏之樂  
華去實存玉礮石鉞道最中害或輟或作不學而衰  
即成枯落念至于茲立敢不卓斯惜分陰守之以恪  
敬入為門補我不及足豈三餘日新一日動靜云為  
是為之則敢告靈臺服之無斁

左箴其目日定力以固窮為冬藏圖作

天運循環有泰有否人生其間迺一氣類之財日困  
弗通為塞苟遇不安習坎而阮自昔君子器歲俟時  
出門有礙吾將安之仲由愠見阮藉窮哭惟味困理  
于艱于孰安之有道說不徒泛堅我定力不容少濫  
氣養以剛志明由澹少馬墮昏亟為澄湛衣弊服緼  
一溫而止飯糗茹蔬一飽而已茫、厄臺悠、美里

文明為夷孔玉櫝毀聖賢猶然况弗至此我道未亨  
克念終始

### 敬義齋銘

維天生民畀之者全氣有澄滓因之以偏惟聖立極  
俾復其天困而弗學民斯為下甘彼顛蒙時有不暇  
間有知悔或窺厥微遺緒茫、又昧其要大哉文言  
聖學之宗致力兼補蒙而聖功一敬內主義須外克  
凡百君子有云有為行而宜之心宰物隨祗直而莊  
匪方於動事物之來未免變闕惟其、史持務成德尊  
既銘吾心復書我紳始終是則日新又新

### 垂龍圖銘

所翁姓陳氏福州人嗜飲恬於仕宦善



圖龍見知於宋理宗嘗以商舶越海與真龍遇自是盡其情狀其作也必乘醉潑墨為之天機所到非學而能殆邈糊之嘆墨法云

醉墨翻雲族聚所翁圖龍與真遇黑風吹海作太陰大火出山雷奮豫是將執雨機而飛天儘滂沱而洗吳楚

宿雲軒銘并序

吾友中丞王君買宅蘇門得奇石一峯厥狀雲如靄然輝應於庭戶間甚可愛也因名其軒曰宿雲徵文于余乃以是文表之其辭曰

睽此來雲態度容與觸石而生與石為伍宛被南山宿我庭宇主人名軒其義安取是將停藹之容為思友之故邪伴東山之卧抱濟時之雨也雲兮雲兮出兩者之間固無心兮其從竟也須以時兮吾豈欲度之以自潔徒為怡悅而已邪

水晶筆格銘

玉瑩冰清太陽之精孰琢肖山之形鎮我几案虛白夜坐息我矛稍摩壘之聲空明洞徹爛冰峰之孤標物有形似吁足可驚若倚之而固寵旭日已升恐潰釋而摧崩也

顧軒銘為洪同簽作

堪輿兩間物所克兮而長而養一氣融兮人惟法天



浩焉同兮，願以象觀。四陰內訐，惟養之以中正。不我舍而彼從，是以得終吉。而在躬，洪公孕秀，海山沉雄。其材足以經制，其量足以含弘。贊翊樞務，既貞且忠。故謀謨應事機之會，談笑折尊俎之衝。不恃全美，方致養以為功。果我枵腹，以正以冲。虎耽其視，而始而終。見寒思煦，恐邊衣之未備。寸膚失養，念一士之或瘡。扁吾軒而匪外飾，起居飲食，在日用常行之中。吾將養已以及物，致事業於無窮。是知大易，廼萬世之龜鑑。尚何俟授一編於圮上之公翁也。

愛菊堂銘

草木之品，色中氣清。有隱逸之稱，唯菊為能。舍精益求精，益齡晚而芳馨。又類夫君子退讓而不爭，圮橋老仙友。

而堂名雖墮履之弗進，亦足以卜幽人之永貞。華構傳芳，三世相似。其孺慕也孝，凝然心深而愛中樂不勝。口欲言而不能自鳴者，此郭氏之所以尋盟也。若夫平泉草木固護封植，亦克厥承。是或一道，然未極愛之。至情親存，親沒觀志。觀行曰如其道，終身是程。嗚呼郭君，至性愉色，豈得於尹氏者。拳、而服膺。吾今取為銘，以告草堂之靈。安知不入戶，聞愾然之聲也邪。

虹霓硯銘并序

趙太博彥伯出示紫石大方，研請銘。余以石有奇愛，類虹霓然。因以字之。銘曰：蒼梧雲蒸九疑，濕碧海風濤翻出日。江山通秀鬱紫。



煙產此珍材比玉德金蛇繞腹泄精英電激神光掣  
蛟室雌霓寬斷影飲丹池暮雨連蜷一千尺號泥鄴瓦  
稱善墨石中乃有此奇質子墨客卿尤所惜大奇多  
自米家船入手摩挲三嘆息趙君文彩珊瑚鈎禮樂  
縱橫供夢筆左招協律揖孫通出入英莖五音飭

楊氏雕玉寶章銘并序

故參政楊公之子勗家藏漢雕玉印章二方者丞相  
吉圓者太尉震也其博陽章即乃祖息軒所傳故物  
大定十二年崔憲可詩序云長安許惟寧以是博秘監畫  
于闐花駝圖得之嗚呼二公以通明正直師表兩漢今  
去千餘載其風烈凜然思其人而不得覩物增慨乃  
為作銘士桓博雅好古今為集賢直學士庶幾能紹

其家風者

漢丞相博陽侯丙吉印銘

吁寶章纔寸許紐玄龜縮漢組隸為刻見邈祖神物  
護照千古此何夕得摩汝恍坐我丞相府初望氣郡  
邸園詔夜殲拒戶樞是雖天公可無偃柳興將舊圖  
乳祿恩其可辜獄有牘秘不舒是章絨金滕如婦有  
數子與俱十襲歲無太踰防有光夜衝閭六丁取媿  
貞符在博陽宜特書

漢太尉司徒楊震印銘

伊弘農漢巨儒道自任聖為徒主鱣堂問群書表氏  
諱茲為符位台鼎縮國樞赫漢炎走羣龜堂氣忠  
義軀四知金屬貧夫殆是章玉不渝內寵橫哲人殂



與崔環瘞幽墟見白日歸子裕世失系紛莫區伊莘  
楊豈公享苟不爾胡為乎致大鳥止邛隅淚如雨洗  
冤誣佩之行可舍諸我作銘此嘻噓

張指揮甘白堂銘

我識先師于清之野緩帶輕裘投壺歌雅伊時張君  
侍立親傍虎豹在穴已炳其章及將羽林肯構其堂  
榜以甘白于先有先試嘗聽其言論諒天姿之殊常  
是將調和眾味羹傅鼎之美邪彰施五彩締上公之  
裳邪噫吾說已竟必一居於此恐德業之未易量也

忍濟齋銘 改作為楊子英題

多變而莫測者事機淺深殊跡而難度者人心善惡  
我據事會忤激交作彼以機成客氣外鏗或當懲而

乃恐可理遣而反悞隘不自容事安能若因小端而  
致大亂又奚翅九州之鐵而鑄一錯也理貴含弘量  
崇濩落功若與即是心先忤言不可出我舌為齶故  
堅伺桓門者收康濟之功俛出騰下者辨戡定之畧  
宜成王之戒君陳見周書之靈

海印奎星研銘

宋秘監弘道索賦詩被  
東宮音編節世宗實錄

奎麗空文之宗秀孕石與歛逢礪而研以類從海有  
瀾穹浮蓋印天光終古在拱前星問有待霑玄雲集  
毫彩酌前言作帝誠

歛石壁研銘并序



至元癸未歲正月二日，謁左山先生，坐  
間出茲硯示客，僕以形質異常，略狀數  
語，公喜甚，曰：汝言殊有契予心者。吾子  
其為我銘之。銘曰：  
玉德而金聲，穀紋而紺理。湛兮虛見，明生於旁。晚恍兮  
惚，疑璧投於山鬼。玄雲橫馭，風生燕几。顯諸用，起經  
綸於心上。發餘輝，縮秋地於筆底。是則公事業之美  
也。我將靜濯碧空，洞徹表裏。觀春雨之散絲，似商霖  
之復起也。

醉仙石銘 為韓通甫作

爬豸墓綠，踣跼驚跛。化而醉仙，蓬首不裹。傾歌落魄，  
對客程裸。雖不適用，得脫秦火。黠桂樹之秋香，夢故

宮之青鎖，推墮人間。無可不可，頑碧凝蒼。肩袖垂禪，留  
賓筵而盡餘歡。每蹲，而舞我也。

殷乳鼎銘并序

韓生弘以瓦鼎示予，制極古而可愛。余曰：此從何而  
得？曰：得之於帝辛之故墟。然不知其為何制也。余曰：  
此殷之乳鼎也。即為之銘曰：  
惟殷墟廢已久，代所居止。野叟歿而葬，此何有其為  
物？故商墟千年後，見白日。乳年四宜蟄，萬有生。皆  
此出，取為形。穀環壁，媿龍觶。飲而食，秋澗銘。渾沌鑿，  
韓生歲深夜壑，後來者見必作。

贊

老人星贊



月帔雲衣，金支翠旂，御星駢而凌沆瀣，騰淵耀而表  
明時爛神光於萬丈，湛南海之清輝。我見我出，為瑞  
為禧，歷朱方而朝北極，祝皇壽之無期。何南山之翠  
固，等旻天而峻齊，然後廓壽域兮無際，挈斯民而溥  
躋。倚蓋霏、蒼茫曷歸，貝闕珠宮，群仙與嬉，歌東皇  
而遠引，隨升降而入氣機，但天容海色，渺不可以涯  
溪兮，眩朝日之重暉。

先君思淵子画像贊

德之厚，其所受也。全學之博，其所守也。專材刃恢，  
利周物先，占氣斗間，世之龍泉，卒之臨大事，以益辨  
曾何以惠文而為賢，望之儼然，即之溫然，治之隆活，  
持衡以權，一言吏師，世盲可痊，孰謂神而化之，妙

托丹青而可傳耶

王內翰寫真贊

總管蕭君出示承旨內翰寫真，木菴師題贊其上，似有  
所未盡者，因為之贊云。

充氣之粹兮，與物無忤，靈襟之廓兮，以道為腴。延譽  
在龍門之上，視草冠玉堂之廬，及其物則見百里之  
寄，其托輔則可六尺之孤。天步改玉，婆娑兩都，悵  
蒼、之秋色鬱喬松而未枯，尚能賓扶桑之出日，振  
人文於燼餘，見之丹青，清風穆如，人徒知百年之遺  
老，我以謂中朝之鉅儒，彼睥然而容，益然而春，見於  
眉睫之間者，固非山澤之懼也耶。

鮮于純祜寫真贊



遙、華胄、世雷、令聞、沈水之集、其源、滄海、老成、雖遠、  
而典型、今見于斯人、髯疎而秀、心吉而仁、藤白而冠、紗  
烏其中、豈見夫身外之身、予但知仁者之必壽、其風  
姿落、百歲猶畫中之真也

麟匹贊

喻羸匹、脹豕腹、背負厥角、挺竒骨、列太階、職盟、滌今  
歸于我、研與匹、薊門市、南冬日、浮蒼溟之波、浩無極、  
挹彼注、茲泚我筆、姦枿誅絕、旌直德、子孫寶傳、金玉  
式

桑泉老人畫像贊

德與學專、行為世傳、是之謂有年、獲瞳炯然、蒼髯戟  
然、人目曰山澤之仙、庸鉅知抱長孺之直、甘翫饜於

門邊者耶

范文公畫像贊

堂、范公三代之佐、致君澤民、盡夫在我、曰義與仁、  
經綸之具、篤信力行、曾不易慮、受知裕陵、千載一遇、  
其施幾何、貞我百度、信、群言激公而去、天下之事、  
匪材莫為、遭時富林中、斲固之治、止斯耶、由數竒耶、  
再拜公像、涕洟咨嗟

乖崖公真贊

堂、益州元精之傑、用智馭權、以氣達節、在德克剛、  
得吏之訣、其掾時也、若乖崖而極經綸、其擢奸也不  
鉤鉅而洞窟穴、噫太華之雲、清淮之月、豈無關心、大  
厦火蕪、較以出處、此兼善而彼獨潔、宜公平生、日新



事業皂裘褐衣有將之威我拜公像清風凜而悠  
九原愛莫起之

呂仙翁真贊金道陵秘府物今為王簽省家藏

元精貫中老不息先生煉形與之一氣機出入我所  
乘世間甲子管不得有時變現稱劍客三江五湖風  
神碧江雲紅爛岳陽樓醉飛星馭鞭金蚪騎驢歛上  
長安道來看西風渭水秋古人事業垂不朽八表神  
游欲誰友乾坤况復一洪爐萬古消沉竟何有先生遺  
照滿人間已是真筌不死傳只須袖裏青蛇氣夜  
人驚在斗邊

駁華駝圖贊并序

馬之有駁猶人表之異常也昔骨利幹貢馬百匹中

有駁者太宗愛之親為製名曰決波駝又秦胡公有  
乘馬號忽雷駁此馬毛質特異豈骨利之遺種歟故  
供奉官圖形以獻見方物一嘗之盛云  
吁神駝骨相殊振蒼雲散華軀供帝閑馭虬鬚歷八  
極塊清都非所覲三品象有物制噤不舒絡青絲伍  
髯奴終奮鬣躍天衢君無癡茲畫圖

填星神像贊

坤元之精積而上曜厚載之德至靜而妙爛然黃明  
有歲之兆僧繇像之其神杳々冠著牛首類其順也  
手縮方珎取乎填也非夫知鬼神之情狀者何以測  
其奧隱也

二十四大儒贊并序



堯舜之道得孔子而後明六經之旨俟諸子而後發  
連秦火燔蕩先王之迹一向熄滅而天理之在人心  
者何嘗有一息之間斷哉漢興諸儒挺出如董生劉  
向孔安國毛萇楊雄號稱鴻碩斯皆摘奎之光發輝  
孔壁探聖之幾取訂口傳致興學立官文風彬彬可  
謂盛矣然六經之旨有師授而無傳者東漢已來師說  
並有馬鄭賈何服虔王肅之流罔羅衆說正誤刊繁  
流蒸箋註復使聖道粲然如大明當空蕤不耿昭以之  
斷國論建民極有不可斯須離者至唐踵七代之衰  
理弛文弊道統益微及韓愈氏出以道濟自任隄障  
末流廓清義路蓋皇皇如也故夫儒位位置終之以昌  
黎伯者良以此歟若夫經緯三才彌綸元化前世比

諸氏功之列咸疏爵圖像列配神庭永為不刊之典  
大元至元癸未冬十月齊府廟宮兩廡繪事告成昨  
饗明靈儼然如在爰作贊文昭揭於上庶幾乾端坤  
倪軒豁呈露聳齊人之敬為邦家之光也

左邱明

麟經垂憲百王是懲素臣華傳日星益明文開史統  
垂咀華英儼景同翻永播休聲

穀果赤封襄

聖道群用見有深淺赤也明經辭清義婉漢儒推轂  
大開學館繼我國政論益光顯

公羊高封臨

麟出魯郊知筆終史削公一再傳若聆徇錄宜其資深



裁辯辭諤折衷群疑匪斯孰托

荀卿封蘭陵伯

金聲絕響詭辯縱橫蘭陵著書吐辭為經憤彼譎變

欺世迷民性惡之說存激而去

伏勝封乘伯

秦火驩坑儒厄斯極天不沒公俾副孔壁渾灑之義

垂範後玉賴公口授帝道復光照耀齊國文奎煌煌

毛萇封樂伯

風雅三百一歸無邪絃歌音耽孰為傳取温樂壽

漢初名家訓傳首出遂正而葩敦厚之風永煽幽遐

高堂生漢博士封萊蕪伯

秦尚法制禮喪無幾雖堂生當炎之始撰輯官儀

國容有顏會弁澤宮赤烏几

孔安國封曲阜伯

書出漢初壁傳口授古隸未分詎免訛漏天開聖孫

以傳以定帝制復明翼我國政

戴勝封楚邱伯

曲臺傳經有千其儀戴君發揮其詳可知履之則矣

悖焉來違煌天序相我民彝

劉向封彭城伯

彬中壘帝胄惟英援經草諫力扶漢傾已志伊鬱

聖學崇明警冕玄端山立神庭

楊雄封成都伯

有漢鴻儒述作之賢體易之妙衍夫太玄扶聖之心



繼成法言。大醇小疵。其然豈然。惟寤惟冥。天祿之閣。出處兩間。其何以作。

何休封伯

高也傳經。心深而文。秦漢而下。莫闕其門。任城解詁。堅守如墨。開戶免脫。破碎陳敵。我漢事會。歸其極。

鄭眾封中

喧啾梁門。師也威鳳。志棲阿閣。學明三統。皇使華。漢鼎取重。諒夫通材。中藏大用。

馬融封扶

扶風氣豪。博精群集。賢如鄭賈。執經在席。暢我休風。彬文質尚。想絃歌漢南之國。

盧植封良

海山沉雄。精貫斗極。篤生大儒。文武之特。以道事君。以經翼國。劔佩赫然。氣掩群慝。

鄭玄封高

秦燔六經。天理曾熄。漢興諸儒。臆說雜出。司均網羅。刊繁正誤。箋注皇。流藻終古。

服虔封榮

卓越九江。清介不群。雅材文論。為世所珍。任城臣敵。左氏忠臣。光造漢彥。蔚乎其間。

賈逵封岐

偉哉侍中。好問而博。通明四經。大肆厥作。網維國論。張皇帝學。東觀石渠。光寵於燦。

杜子春封緱



周官大典興王之迹制古辭約我解我釋入海穿深  
薄霄透碧品物詳明千載是式

范甯

野封伯

藻發儒林學淹墳籍嫉世浮虛著論詰實盤學臺膠  
庠大開至今豫章有來群林

杜預

晉大將軍開府儀同三司當陽侯贈司徒

堂征南經制晉室衽席金草研精麟筆學方武庫  
世號經癖有開後來理順永釋繫公存歿恍恍靈氣  
我日猶龍焉取虺異

王肅

魏衛大將軍太常卿陵侯贈司空

猗歎子雍英發妙年書易陽秋傳列學官制刊朝典  
秩煥郊壇汪東海載觀其瀾

王弼

字輔嗣魏尚書郎

龍出河圖經成三聖輔嗣窮幽乾旋坤靜漢說多門  
唯公取正伊洛淵源流光與盛

韓愈

字退之唐吏部侍郎封昌黎伯

維天有文公材命世彊義傍仁黜邪觝異世溺方深  
力以道濟百折彌堅死而後已倒影滅沒藐不可企

文中子

顯允文中希聖之徒闡教河汾宛然泗洙斤隋文  
不足與事扶策歸來心醉經史曰魏曰唐曰杜曰李  
學傳聖心有樂有禮貞觀至治有三大風論夫源委  
先生之功千古而下與唐比隆

鍾氏先世畫像贊為鄉人夫明作



顯允鍾公，肇跡自秦。金季家衛，以財發身。闡樓卉圃，照曠河濱。優游卒歲，壽開八旬。維嗣強矯，結髮從軍。奮提干將，屢收戰勲。釣臺雪漬，死節酬恩。伊怒之父，蛇化其文。憤志讀書，行比鄉鄰。陳力漕府，克公克勤。是知善繼，述者豈無其因。不過積德，與崇仁故。培之厚者，其發茂。浚之深者，其流澆。嗚呼！鍾氏之子孫，能不封植其本根也。

趙曹州畫像贊

宓子宰單，鳴琴在堂。琅玉音，齊魯之鄉。流清芬於異代，得趙公之循良。我冠惠文，貯書撐腸。不竊榮而易素，守曾格物而持已長。貳政兩州，治績章。字民折獄，仁恕內將。體春陽而休煥，孰知秋荼之繁昌。觀兩

漢之卿相，自卒史而翱翔。以材以術，公其可兮。固沉底於下位，浩淵流兮。未央維嗣，善繼乘駘。奮驥慶之所鍾，于馬厚償。匪槐棘而就列，將禮文之有光。又何膏簪白筆，而飛簡華之霜也。

九公子畫像贊

史開府子名樟，喜莊列學，屢為萬夫長。有時麻衣章屨，以散仙自號。

銳目豐頤，氣貌魁奇。被褐懷寶，有儼其儀。出紈綺之間，無豪貴之習。抱夷惠之志，蔚熊豹之姿。濟物我於一致，感盛衰之無時。其或戴遠游之冠，廿元氣之委。騎將軍之馬，掃干將之霓。歛生鼻比玄，談四馳提筆。揮洒以遨，以嬉。歛凌雲之劍氣，等尺鷃而蓬飛。取以



藝進與時推移希達人之大觀每先事於幾微與其身  
之外樂何若心之內怡是則散之為仙見於丹青者  
如是又何計騰寓說而橫氣機也試將須而為問恐  
吾言之庶幾

漢諫議大夫王章博士朱雲贊并序

孝成之朝劔履閒健者猶百位然挺身為國直言忠  
諫者誰歟蓋當時乾綱紐施威福柄移赤伏陰凝堅  
冰日至獨能痛國統之將微憤中外之卑弱毅然與  
天子合謀屬具臣矯朝曲以社稷大計為言殺身  
犯顏以成其仁者在漢二百餘載之間唯仲卿與朱  
游二人而已何忠直剛果之氣察之如是哉論者方  
以不量輕重陷於刑戮為譏吾恐為人臣者不以容

身保祿是耻將何以為訓作諫議大夫王章博士朱  
雲贊其辭曰

天厚之剛百折不撓履霜而冰辨之當早漢至元成  
國統中熄陰晦陽精九廟不食劔履群卿孰非遠識  
坐眊淪胥權歸外戚厄會中來詎容人力公豈不知  
言出禍入殺身成仁臣子之職彼牛衣言固非所恤  
謬、南昌感公奮激抗書申明路開忠直三復斯言  
寫我心感夫諫議大夫王章

博士朱雲

維皇有師禮自天秩動靜安危以物以則矧惟中林  
性可善惡俟我儀刑狂聖廼作安昌師漢腹心之疾  
竊我崇高容奸隱隱社稷大計莫此為亟雲位下僚



自任稷契，犯顏嬰鱗，為漢藥石，諫雖弗行，彼氣則折。欄檻嶙峋，我舌不結，少師廟軀，龍逢挺節，以分以職。於死為說，並游無慙，終古有烈。博士朱雲

嚴子陵贊

漢有天下，本以霸興，陵遲世季，其弊莫勝。光禹阿諛，雄歌狂鄙，元成以來，從風而靡。維炎中熾，故人作帝，先生慨傷，為漢砥礪，潔我一已，訓彼四方。願惟可加，萬世之光，幽、富、春、渺、桐、江、釣、絲、裘、褐、終、焉、徜徉。是則彙理之道，先生助治者，其維皇哉噫。

漢議郎田疇贊

炎漢淪精，群雄譏起，士昧所擇，依強而已。附袁臣曹，風從雲委，倖而有成，終焉自浼。堂、幽州志在安劉。

信我大義，掃清國仇，先生委質，名正言順，報以國使，力扶衰運，間閔歸來，大事已去，君讎未復，吾將孰與，躬耕故山，有死無貳，白狼之役，諒非本志，是懲是膺，權以濟事，何以明公，龍盧之封，繫以千駟，祿之萬鍾，曾不少晚，肯縻其躬，嗚呼，智如首，或識似田，豐明不自保，竟貽終凶，千古而下，死愧英風。

牴牾贊并序

郡譙門兩楹，下有石獸，左曰牴，右曰牾，為狀特異，隱其齒而吻張，崩其角而顛兀，頂髮雲委，垂卷兩膊，世傳殷宮中故物，自衛臨移置於此，故之集韻云：秉心甚靈，蓋忠直獸也。彼物爾得氣之偏者也，何以識其性之云然，以屈軼指佞，神羊觸邪，麟趾厚而不踐，虎



螭仁而有威是以忠與直可得而推也其所表之  
以為垂儀者古人制物有所取而垂戒焉蓋忠者衛上  
之謂直者不軌之稱此則臣子之所固有而所當為者  
物能如是可以人而不如獸之云乎作抵牴贊曰此  
吁奇麗三代制賢其德與獸異體具存神則逝逐北  
于而下遊悲獨夫之狂獠牴兮挽兮無效麟之出非  
時兮使吾拭目而反袂

西溪真贊

秩、其德、曄、其英、天稟之厚固非學之所能用晦  
而明與時偕行愚常與公從事雅量有餘曾不知趙  
張之蠶閱豈鷹隼迅擊終不若鸞鳳之和鳴也我贊  
公像庶幾典刑道義視文章為重雲煙同富貴而輕

至于生也順事沒而吾寧疇為丹青可得而名也耶

雪堂普仁真贊

柳州序浩初讀書樂山水有文章父子咸為其道泊  
焉而無求賢於惟印組為務以相軋者遠矣

道行貞純初不絕俗機鋒洒落即之可親苦空任沒  
膝之雲處心探濟物之仁草坐容身兩花縮絃雷音  
淵默獸伏鳥馴吐此圓神澹如凝雲耿金粟之孤影  
笑人間之幾塵愛而贊之蓋浩初一流人也

中書左丞許公真贊

古人以道濟為任者時雖見於行藏心不間于微著  
於皇先生道深繫矩以希聖為心律已為度上明  
君道之方下易薄夫之慮危言立朝聞者悚懼公于



斯時屹傾波之砥柱非天下至誠其孰能與瞻拜公  
像魁然真輔奉璋峩其儼而裕至於體用一源先  
後有叙試以中元之治較之見論思與機務念公平  
生其丹青可得而喻也耶

醫學教授趙公仲康真贊

洹水流潤太行唯我篤生異人司時之瘥顯允趙公  
被服委蛇道高而施博脉明而智多世以醫名者衆  
如公之醫中而不頗護養氣元玉池生波攻以峻劑  
我禁我呵鬱焉有餘揮之以戈俟其半哀濟之以和開  
壽域者五十年良聲蕃其所以得于公者如是被  
之贊歎知陽報之有在福子孫而為那也

王子明傳贊

古人稱殺身易成事難雖然事有大小公私之間如  
不有已私專以公心除天下之害此其成尤為難能  
而可重唐代宗以萬乘之權群公卿之謀至取一家  
奴宛轉畏懦不敢明言竟以盜歸之而觀者之節可  
謂壯矣

手植夏禹像贊并序

衡岳有怪栢一株世傳夏禹手植長沙温將軍得斯  
本一枝堅勁苾苾愛仰不已以為神明之物也刻帝  
像以奉之亦臣子歷舜九疑呼雲蒼梧之義也求潤色  
於余秋澗王憚拜首稽首而為之贊曰  
暨穆神禹玄功格天見之美牆况手植之所刊帶不  
下而道存體雖微而儼然所謂斂之管窺浩淵



嗚呼三代吾不得而見之得視斯像固足以揭吾之  
度是將同啟石而不朽耶抑以與九疇而共傳也

田仲德先生畫贊

言論固樞機之先作行在士大夫為重卓越田公二  
者錯綜氣無虛談才見實用翺游侯伯之間擬擴香  
林之供幅巾橫策掉首吟諷予嘗聞鄒蒙之辯說有以  
卜先生之定動於戲文獻不足以柯為棟載瞻遺像  
安得不有人物眇然之痛

栢溪主人張仲和真贊

堅以持其心直以養其浩用是二者以全純孝得其  
時而濟斯熾安其貧而取近效其樂也融、為行也  
慥、氣溫而和貌儼以肖豈惟壽考考康寧永以為

鄉黨後來之教

趙瓠瓜寫真贊

丹頰秀眉疎髯方頤目朗炯欲曙之星氣吐若垂天  
之蛻畧施為而見底蘊據懷卷而藏器機曩也為平  
津之上客今而乃瓜田之布衣注酒滿瓠溉此鵠夷  
醢雞笑甕天之舞醉袖拂西山之低趨趨躡嚙尚肯  
效夏畦之病為浮雲富貴軒冕塗泥况尺鷃享鐘鼓  
之樂游談到六印之累卧元龍之樓下覺許汜未全  
痴也

耆杖圖贊

先生姓馬氏名天昭字雲翰汾州介休人自号師易老人  
丁丑歲壽八十有一



德維懿其存則不謂之命氣維克其定也能勝乎天  
故衝風之火易熄澆旱之禾有年而况有道君子者  
焉矯、先生匪曲而全靜以仁樂健為德先應獵無  
夢絕常有編通而得夷惠之介默而契消長之權何  
軒冕之可累豈山林而後賢氣精而鶴壽松貞而歲  
堅故得甲子幾七、之數乾陽符九、之玄道與貌  
粹峙而停淵儼字若介山之鬱茂濤号如素汾之淪  
漣方吾道之如線賴此老之康延豈造物者界西河  
南陽之壽固將為斯文無窮之傳也耶

趙徵士畫贊

君名鉉字仲器多巧思精藝術今年古  
十有一自號鈍軒逸皓所謂隱居求志

行義遠道者也祖質字景道家大興之  
穴寫里金建春離宮在焉常有詩題學  
舍壁間云折脚鐺中烹白蕪打頭屋底  
看青山道陵春水遇見之為賞識左右  
以公卿名對召見殊加優禮仲器公之  
曾孫也

蒼髯于思雙瞳炯然勁逸鬱幽燕之氣端倪蹟太易  
之玄挫止其銳鈍而名軒曾於物而不滯浩骨中之  
一天是謂建春徵士之後其青山秀句猶隱見於眉  
睫之間也

故金滎陽令傳輔之畫像贊

其父霖明昌刑期進士行部臨潢沒於



王事

玉潔會光蘭幽藹芳孰為氣機貌温而良我嘗陪公  
杖屨徜徉冲善為植德之本揮遜厚周身之防見  
之丹青衣冠堂維玉田之傳其故家文物尚髣髴明  
昌之煌煌若子若孫既衍慶以報吉又将見再世而昌  
也耶

韓御史畫像贊

晦其明而於物也周以旋介而通其於事也曲以全  
神湛秋水顏如渥丹藹蔚和愉之氣怡為孝友之  
賢施之有政其達固然同我冠于豸府愛諤節之孤  
寡所可見而知者如是其不可企而得者殆丹青之默

然而淵也

渡水十六羅漢贊為聖安客老賦

誰吮澹墨作佛事顧頴含光開太始稽首尊者十六  
相金沙灘頭渡淵水魚鼈異獸同一家背負鱗浮借  
役使碧蓮泛艷百花雨脚何曾踏泥滓法身化現  
炯孤月海風吹墮千江裏補陀巖竇寶香濃滄浪石  
上觀生死白毫光滿海西岸航此浩濤悲一壺玉溪  
老子出示余意匠經營親說似禪機已落襟淡中我  
今試下第二義九年面壁度龍象一日西歸携隻履  
菩提樹下喜相逢拍板高歌聊尔耳

香木琴贊并序

南海石隱禪師合沉檀二木為琴絲而撫之其音克



諧有不讓於槁梧者，改生得之以珍異，乃余文以贊之。其辭曰：紫琴之胎以桐為材，製自虞氏，其來邈矣。斷以香木，南海之僧，絲而理之，有嶧陽之清物，逐所好，歸之伯寧。晚燎爐之融液，拉玉雷而為朋，藹然雜芬菲之韻，琅然泛韶濩之聲。嗚呼琴乎，學者寡而其將孰聽，倘鍾期之與遇，又何啻一再行也。

劉巨川簽事真贊

事機之焚，非才則務弛，天質之美，逢時則道行。於維劉卿，志氣蠶閱，臺閣肇建，鸚書應徵，豈惟夜書，快吏見稱，及佐府幕，游刃發矧，人奉承而不暇，我持難而肆能，致駕五馬，心奚以榮，律身束吏，明倫恤刑，陟而

提憲風動百城，褰帷聳具瞻之美，控拳無虛搏之名，抵几或迅盤根，莫執天或假年，蔚為名卿，宜大用而乃新，殆收功於嗣興，卓披<sup>被</sup>二子，力振家聲，影纓若綬，荷天衢亨，將見一日千里，騁駿足而躡雲鵬也。

黃洛老人畫像贊

倚欵趙公，以古為徒，燕居磐石，定力有餘，萬仞前陳，付之一壺，身心翛然，浮雲太虛，自號曰黃洛散人，世指為山澤之臞，見於序文者如是，吾說試嘉遯之自如，不居山林，匪樵匪漁，安我素分，而與道俱，醉以酒而適意，晦其明而內娛，壽幾九齡，健不杖扶，有子有孫，簪纓仕途，天之報施，善人也，合若契符，甚矣吾衰，愛公起予，拊卷慨嘆，遂斂衽而特書。



軟背椅贊并序

昔李山人詔隱衡岳得虬松一枝即形作椅名之曰  
隱和終莫能曉其何義故左丞史公之子假予是具  
其安四體養老妙意有不可勝言者繩而網之以軟  
其背把而執之以駕其肘至包承臂曲盡其宜甚  
矣二者得老者安之少者懷之遺意歎名之曰軟  
背且贊之曰  
咄此為具其製非一坐促背峻侶恭而踏傍無兩把  
予肘安適而最苦者磨隱偃脊未若此君溫柔箝箠  
譬彼姬姜擁抱而息不高不亢老者所仰爰從何來  
籃輿之狀

管幼安濯足圖贊并序

天下有二道出與處而已然審時處己有未易言者  
先生遭三國雲擾蹈海而東高尚其事如度之致禮  
以加敬不之遠聘以拜官皆恬然若無所聞所謂隱  
居求志行義達道者也至於嘯傲物表澡洒溪流特  
一時間適若歌革俾進履拱杖猶恐自污抗疏代位  
此何理哉自惟若繆待罪翰林赤日長驅會集寓館背  
汗浹流喝而欲踏欵挹清風豈勝愧仰乃再拜稽首  
而為之贊曰  
吁先生古逸民素所友夷惠倫傲孤瞞東海濱著皂  
帽跼碧剡尚恐染三臺塵若歌革進履徒破壁手乃  
敢污抗疏請代三孤昧平生何足誅百世下孰知已  
脩然心見終始大起予有蘇子



古燕印贊并引

參政何公世家易州常於燕丹廢城中耕得圖書小  
印雖百枚制皆殊一日以所得者贈予形如方斗其  
文曰常宙唐昭宗時宰相豈古今人姓名有偶相  
同者耶入手摩挲甚可惜也作斯贊以荅雅厚其  
辭曰

燕有國八百餘維易容與故都按壁墨見雄圖萬紐  
印雜簪裾人與骨朽已無耕墾間獨得渠一粒小斗  
砂如其文宙亦盛夫紐岑樓或龜趺壘多一皆殊  
彼斗大黃金塗懸肘後擊賊奴氣雖豪空淪昏三摩  
拳重嗟吁猗叅相好古徒知澹癖為贈予何所誌遺  
惠書

四子問孝圖贊

天地之經其維曰孝魯人所瞻巨室是效四子致問  
庶幾要道因材為篤聖答各異發蘖其偏從容和氣  
思煽皇風永錫厥類怡聲粹色玉佩華裾表之丹青  
清風穆如嗚呼安得一天下之慮宛同是圖

梁太師王彥章畫像贊

堂、太師勇冠萬夫曾精甲之幾何破南城於一呼  
三日奏捷素果不逾大厦將什一木可扶衆且願望  
我誓捐軀蒼髯模糊日光炬如戰酣歸來氣鬱犀渠  
惟孝與忠同歸異途繫錦囊之三矢與長矛而不殊  
宜乎文忠之筆大書特書不一書而已也吁

劉珍母王氏真贊



嗟、母氏、思斯勤斯、自期寸草、庶答春熙、况復身後、  
有養何施、履霜濡露、感懷歲時、嗟、母氏、健幹而慈、  
奉已以約、保家之肥、致家之完、乃有今日、我食我衣、  
皆母之力、暖、停雲、泉水、湯、我思母氏、何日而忘、

重華鼓琴圖贊

幽、深山、玄德、聞、二女、墮、降、瀉、水、春、芳、軌、健、坤、順、  
其道恒且久、衣、衫、衣、鼓、琴、固、若、我、所、有、手、揮、五、絃、  
正、始、此、其、時、兮、琅、然、玉、音、一、氣、為、之、熙、兮、鏘、然、和、鳴、  
鸞、鳳、以、之、儀、兮、衣、垂、手、拱、其、道、本、於、斯、兮、升、道、蒼、梧、  
惋、莫、從、兮、淚、浥、湘、筠、思、何、窮、兮、噫、

故處士牛了齋真贊

眼高一世、舌本懸泉、噴、嚼、珠、璣、孰、為、後、先、樂、育、自、好、

以全性天生也、順受沒吾寧、馬彼顏渥而顧、野服脩  
然、尚知為鴈門、儒將之裔、庶幾青山白雲之仙也、

故翰林應奉陶珉溪真贊

貌古而氣清、言訥而行純、此見於外者、皆曰儒學之  
醇、若夫該貫經史、筆翰千鈞、玉佩瓊琚、大玩斯文、足以  
泛珉溪之雪浪、追顯軒之絕塵、然綸恩甫沾而不祿、  
壽斲固於七旬、天之報施、果何有於善人、我并朱衣  
正笏垂紳、雖未及直玉堂之署、尚知為元貞、辭翰之  
臣也、

房星贊

粉色黯淡、雙絲浮絳、冠箕如柱、劔綏陽環、夜半海氣  
湧、火輪欲上、鞭金虬、赤魄曜入玄閨、幽殆侶戰勝、寨



雲堯千金漢將非吾儔中令化筆通神謀冷風拂座  
寒颼颼大德四年臘八日作

房四星為明堂布政之宮亦四輔也下一星  
上將次次將次相上即上相所以理陰陽  
正教化南二星君位北二星夫人位又為四  
表中間黃道之所從為天衢又為天關南關  
曰陽環其南曰太陽北關曰陰環其北曰太  
陰六曰天廐亦曰天馬主車駕南星曰左驂  
次左服次右驂又主開闔畜藏之所也

松化石贊燕城趙彥清家藏

伊石與松秉彛堅潤雯華根節鱗皴挺勁儼髯童之  
淵潛蛻康溪之深瀆伊良震之交感化而為他山之

璣連霧巖之玄豹隱錦嫵而如技水木清華坤靈藉  
重氣變無方靜含妙用物貴異稱金鏗玉振昔馬不  
封於秦今也罔言於晉但摩洋而三嘆非張華而孰  
綜然室無滯而不富况殊方之奇貢嚮為山人隱和  
之具今作仇池怪石之供一線爐熏霽若雲蒼栩栩  
蝶去夢繞神清之洞

蛻齋劉先生真贊先生諱思齋燕人

猗歟蛻齋蛻肆螭蟠擴充家傳資深善誘愛波瀾之  
老成宛黼黻之締繡曾管窺於一編竟韞匱而莫售  
我瞻遺像氣豐而蔀一官廣文祿才升斗挈筭瓢兮  
屢空曾減否之何有嗟共盡而奚言豈獨哀於吾友  
蛻齋初與胡國瑞同年登第中統初為中書省掾



後辭歸為彰德路學官卒

秋澗先生大全文集卷第六十六

初三日校

秋澗先生大全文集卷第六十七

翰林遺藁

增謚睿宗仁聖景襄皇帝玉冊文

臣再拜稽首言伏以

至德難名於穆乾坤之大孝思罔極有嚴

祖考之稱稽遺美而載揚廼守文之先務弘宣

令問茂對

耿光伏惟

睿宗景襄皇帝秀拔神支淵潛龍德

英武內根於仁孝

溫文外表乎謙恭

先事而謀



臨機善斷當軍國  
撫監之際赫風雲

冊伐之功川蜀

威加宋人為之褫氣鈞臺

戰捷金源遂不能兵

闢土宇而靖中邦翊爰圖而降寶運策勳天府歸美

皇靈方

請命於上蒼思保安於宗社祥開

後聖光啟皇元致今日之隆平蓋

孫謀之燕翼惟天縱其

睿智故

澤流於子孫爰伸凝慕之誠虔舉增

徽之典詢諸輿議允協至公謹遣某官某奉玉冊玉

寶加上

尊謚曰

仁聖景襄皇帝廟號睿宗適守

先猷仰

聖靈之如在式垂

歆鑒降福祉以無疆

追謚

先太子冊文

皇帝若曰於戲故

皇太子某天姿玉裕茂德淵冲

朕紹纂丕圖仰遵



太祖聖武皇帝遺訓以爾世嫡元孫譽望攸屬爰從  
燕邸正位春宮愈貴能謙居貞益慎及夫聽政揆叙  
有方至於睦親昆仲無間尊師問道日御經筵視膳  
候安時詢內豎佐子柔理惠彼小民方念神器匪輕  
投艱有託豈期  
前星揜耀永隔幽明日居月諸懷思曷已比者大臣  
敷奏宜易名奉祀光崇彞典今遣某官持冊賜爾謚  
曰  
明孝太子永昭遺懿式慰  
朕懷尚冀明靈歆承寵渥

皇太后玉冊文

維至元三十一年歲次甲午五月朔某日嗣皇帝臣

御謹稽首再拜言洽萬國者莫隆於孝治揚懿德者  
必著其徽稱洪惟我幼冲人嗣無疆大歷服率先風  
化無尚於斯恭惟

太母聖善懿恭睿識遠慮力行善事陰賜及民隆孝  
敬於

先朝軫憂勤於內助宮壺仰其規範宗族化其肅雍  
誕躬躬而底于有成翊燕謀而俾登大寶

深恩至德蕩焉難名匪極鴻推尊曷伸至願載惟  
昭考已升祔於宗祧言念

宸闈宜大崇其典禮庶幾均報仰答  
恩慈今遣某官謹奉玉冊寶上

尊號曰



皇太后伏惟

皇太后殿下端處福宮誕膺顯冊儼

母儀於四海德配坤元期

聖壽於萬年祥開神筮永資

慈訓保我子孫臣誠歡誠抃稽首再拜謹言

改元詔

朕祇遵

先猷嗣承丕構訪予落正在夙夜以靡違永言孝

思閱歲時而增愴惟春秋之謹始實古今之成規適

屆履端聿新紀號可改至元三十二年為元貞元年

咨爾有衆體予至懷

手詔侍郎楊大淵

省表具之朕恪守王封遽膺推戴即位之始不遑康

寧惟爾遠戍邊陲久服戎政身外心內來陳賀章宜

加寵答之辭以勵忠貞之節故茲詔示想宜知悉

詔罷東平路管民總管兼行軍萬戶嚴忠

濟

爾父承國家興運左右將士同心戮力封植東平

屹為名藩我

祖宗嘉爾父之功乃建為侯自爾嗣位又二十年

朕初即政命復嚴爵往即乃封敬之慎之其修德砥

行自立名節勉圖後效無忝先猷十七日戊寅已刻

上臨軒親諭諸路總尹遂以前東平總管嚴忠濟弟

忠範為東平總管仍戒之曰兄弟天倫事至於此



朕甚憫焉。今予命爾王茲東土，非以訟受之也。彼所責匪輕，敬哉！今而後，苟不克荷，非若汝兄幸而免也。

授賀某宣諭大理國制

幼懷奇節，筮仕昌時。及知遇於先朝，遂撫綏于大理。揚威絕域，昔收定遠之功。服事彤庭，屢抗伏波之請。宜旌前效，俾煥綸章。汝其宣暢皇猷，洋溢方外。爰體綏懷之意，以安遐邇之情。轉為招徠，式副所托。

宣諭大理及合刺章俾還本土手詔

嘉汝等遠自雲南，導從邊鋒，轉戰千里，直波鄂渚。以達於此，勤已至矣。今者俾爾各還本土，以遂厥性。優賜各有差。

姜真人手詔

神以知來，智亦藏往。言念長江之邁，未嘗一日而忘。遐想仙標，載勤駟傳。雍容大厦，論用復於紉。羶寤莫巖，扁雲暫辭於故隱。春寒遣書，指不多及。

追封皇國舅按赤那演濟寧王謚忠武制

制曰：疏恩異姓，無踰王爵之崇。追冊元勳，况在世姻之懿。典禮所逮，存亡靡殊。故皇國舅按赤那演，天挺英姿，志宣忠力。當

祖宗造基之始，為股肱佐命之臣。衍慶軒星，儼輝

宸極。惟勳闕之茂著，冠戚里以獨高。朕紹述丕圖，眷

懷世德，宜錫大邦之號。仍褒壹惠之文，可追封濟寧

王。謚曰忠武。於戲！議協明廷，庸布



卷之七  
絲綸之命澤流後裔永昭泉壤之光尚想英靈歆此  
寵渥

皇舅濟寧王妃制

制曰爵以德崇既建真王之號婦因夫貴俾隆蕃國  
之儀眷我外家德昭

祖母誕彌  
聖后作配

先皇豈惟內助之多光溢徽音之歟是宜管形擘煇  
象服委蛇頤予冲人獲紹前烈禮崇報本心焉敢忘  
可追封濟寧王妃與對邦休服茲寵數重衍姻親之  
懿永膺伉儷之榮泉壤雖幽歆承罔昧  
贈謚故光祿大夫左丞相都元帥阿朮制

制曰功德兼隆其所及者既遠存亡靡間故為報也  
必豐廼眷元勳豈同常品故光祿大夫中書左丞相  
都元帥阿朮挺英將種作世虎臣爪牙兼信布之材  
韜畧合孫吳之法惟重厚克膺其委寄故譙恭不有  
其智能當

世祖之恢圖自元戎而宣力奠我南服隱若長城秉  
持旄鉞者三十餘年出入行陳者百五十戰奮身不  
顧忠如皎日之明愾敵無前勢若迅雷之擊載揚我  
武飛渡長江佐收一統之功名出諸將之右繼將明  
命遠震邊庭威方暢於  
皇靈計遽聞於瀚海朕奉  
先猷而祇懼念王業之艱難鬱爾風雲追惟往昔優



加卹典開勸後人官資超極品之榮封爵建大國之  
號於戲麟臺畫像豈惟宛轉於丹青甲第賜書庸示  
昭光於寔室可特贈開府儀同三司太尉并國公謚  
曰武宣精爽如在不昧欽承

太尉并國公夫人某氏制

平章政事卜鄰吉帶母別速真氏父為 運宗臣嘗  
有功於社稷夫亦折衝名將屢宣力於封疆位陟中  
台慶鍾賢嗣惟是數者萃於一身其存歿則俱榮蓋  
始終之鮮儷况內德壺儀之著而婦規母訓之崇錫  
之以翟第之章賁之以銀黃之飾沛殊恩於既往示  
深勸於將來在邦彞皆所當然於世教其或有補於  
戲脂田肇故獨垂範於兩宗蘋饋相承尚流芳於百

祀可贈并國太夫人

追謚司徒鞏公制

制曰節惠易名恩禮備飾終之典依光毓德風雲非  
一日之期故具官某稟性淋均處心貞亮眷  
昭考當岐嶷之際侍內庭多傳翼之功奉事

兩宮勤勞有日爰念仰潛之宿望特班邦教之殊階  
謀參密近而屢効忠誠位極崇高而愈形謙謹朕方  
升于大寶將圖任于舊人已聞歌露之悲可後蓋棺  
之議鼎湖未遠想陪

仙馭之游泉壤生光洞賁綸章之寵可贈金紫光祿  
大夫謚曰忠懿有來精爽不昧欽承

追謚賽平章制



制曰人臣罄奉上之忠思卹矣分於今昔國家有飾  
終之典光揚亦賴於子孫於惟闕闕之家况復風雲  
之契某官某儀刑西域柱石中朝以文武之長材蘊  
經綸之大業爰從潛邸早識  
英資而又圖回每沃於淵衷度量獨高於天下四川  
分陝

朝廷無西顧之憂六詔行臺郡縣奠南服之理福星  
霖雨動應時祥和氣嘉聲撫綏殊俗念匪躬而盡瘁  
每當饋以興哀朕祇奉

先猷循思遠節位兼將相德全始終况爾孫文光繩  
家訓弼子孝治進貳文昌用推錫類之恩寵以上公  
之號於戲鑄金圖像豈惟專媿於前賢告第頒書尚

異傳芳於來世可贈某官某謚英爽不昧其克欽承

賽平章國夫人誥

國治固先於家齊古今匪易婦秩諒從於夫貴典禮  
攸宜某官夫人某氏婉自名家嬪我賢輔循法度而  
供壺職以恭儉而相夫勞委他儼象服之尊恭懿融  
管彤之美以正以順如山如河主饋宜家綿休積慶  
夫延登於曷昨孫進貳於文昌不以輝稱曷彰內助  
仍易小君之號榮偕品極之封於戲德容尚肅於舊  
儀詰鸞有煥脂澤載光於故壠世祚彌昌可封某國  
太夫人謚某號主者施行

追謚故都運梁公通憲先生制

制曰望壠思賢臣子無古今之間顯親盡孝國家有



推獎之崇，矧茲文憲之傳，篤我世臣之舊，資德大夫中書左丞梁暗都刺，故曾祖金中奉大夫司農少卿，少卿早登科第，顯歷仕途，履正奉公，才優國計，持難抗節，身為大閑，在先儒者德之間，有泰和能臣之譽，經綸事往道義日尊，流澤遠及於子孫，致位有開於鄉相，克宣忠力，屬相我家，不有卹章，曷勸來者，可賜諡曰通憲先生，於戲老成雖遠，典刑猶見於國人，寵教惟新，潛德載光於泉壤，尚期英爽不昧，敬承

太子少傅賈公制

傳經明道，既輔立太平之基，崇德報功，烏可復非常之典故，拒傳致臨雍之敬，而甘盤動憶舊之思，古今雖殊，典秩不異，故翰林侍講學士賈默業尊周孔學際

天人，詢治體以綱常為言，論人臣以功利為末，侍謀帝幄，剴切多文，貞之風論相中書，慷慨見陽城之烈，而又三代建國，明倫是先，惟西池儼籥羽之儀，故東序擴人文之化，風移俗易，一變虛文，地闢天開，載明正學，迺春兩朝之耆德，寔為先，稱之宮師，稽考規模，夢寐風采，是用榮分三事，光融拜教之階，恩賁九泉，潇洒玉堂之契，有來精爽，服我寵靈

夫人賈氏誥辭

天人之際，若弗可知，禎祥之來，各以類應，允祖宗父母尊榮壽考，未有不以善而致者，具官某夫人某氏，婉從清望，嬪我儒宗，恭儉以相，其夫勤恪以成，其子



珩璜中節，藻薦多儀。清白傳家，管彤有煒。宜爾從夫之責，寵膺華郡之封。鸞誥副加，服我休命。

追謚賈博見赤制

負鼎于時，既逢其

明主當饋，起嘆有懷於昔賢。某官藩邸近臣，

中朝耆德。適際風雲之會，素多監掌之功。割烹調和，

廼其常事。威儀進退，曲盡恒規。凡侍

殿庭，望高德度。方舊人而圖任，遽薤露以興哀。歲月

維深，德容如在。抱茂陵之弓劍，婉孌何窮。悵華屋之

几筵，未昭

勅奠。近因廷奏，大需

恩章。可加贈其官，謚曰某。嗚呼！授寵數以如生，幽明

罔間。願諸孫之衍慶，福祉方來。慰我老成，含嘻泉壤。

追謚忽林赤制

揚徽內職，固有藉於世臣。追錫親榮，廼式遵於彝典。

某官高閎集慶，美行禔身。早以謙恭，光聯侍從。藝則

名而成，威則棟。責於已而功於人，出入禁闈者幾三十

年。主典玉食者何百餘事，忠勤奉

上夙宵在公，每多燕饗之儀。何止割烹之技，方

廷章之宣美，遽朝露以溘先。可贈某官，某謚。嗚呼！祇

奉仙遊，悵同翻於儷景。流光泉壤，尚垂慶於後人。魂

而有靈，歆我寵數。

進呈

世祖皇帝實錄表



臣某等言。臣聞典謨述堯舜之功，合命名顯著。方策布文武之政，義問宣昭。粵自漢隋及夫唐宋，咸有信史以貽後來。况大業豐功，震今耀古。惟深善述，首議正揚。臣等誠惶誠懼，頓首頓首。洪惟世祖皇帝，仁孝英明，睿謀果斷，爰從

潛邸有志，斯民植根幹而佐理。皇綱聘耆德而講明治道，始平大理，再駕長江。過化存神，有征無戰。迨其龍飛灤水，鼎定上都。革弊政以惟新，擴同仁而一視規模。宏遠朝野清明，內則肇建宗祧，創設臺省，修舉政令。登崇俊良，外則整治師徒，申嚴邊將，布揚威德。柔服蠻羗，加以

聖無不通，明靡不燭。守之以勤儉，朴素養之以慈惠。

雍和收攬，權綱綜覈。名實賞罰，公而不濫。號令出以

惟行，萬彙連茹。群雄入彀，削平下土。統正中邦，慕義

嚮風。聲教奚湖南之暨，梯山航海，職貢無遐。邇之殊

方，且開學校而劭農桑，考制度而興禮樂。

國號體乾坤之統，書畫煥奎璧之文。罄折有而疇戰

功，不待計而救民乏。聽言擇善，明德綏刑。欽福錫民

遇災，知懼得洪範。惟皇之理，過周宣。修政之勤，以致

時和歲豐，民安吏職。蓋

帝德克周于廣運，故至公均被以無方。可謂文致太

平，武定亂略。繼

一祖四宗之志，兼三皇五帝之功。開天建極者三十



五年立經陳紀者二萬餘事以  
謙讓弗違於備紀故纂修未至於成書欽遇  
皇帝陛下宣詔謀厲精

圖治亟鑒觀於成憲思適駿於  
先聲深

詔下臣俾為實錄宅心

宗祐凝孝羹牆開館局而增置官僚

敕群司而大細圖籍編摩既富搜訪加詳採摭於時  
政之編參取於起居之注張皇初藁增未見於罕聞

承奉

綸音俾蠲繁而就簡俯殫管見仰體

宸衷盡略虛文一存實事其饗會征伐文物典章彙

為列三代之英蔚爾開萬世之業與夫才德孝廉之  
士忠良姦佞之臣版圖生齒之夥繁財賦畜牧之富  
盛謹依條據粗致無遺今具所修成

世祖聖德神功文武皇帝實錄二百一十卷事目五  
十四卷

聖訓六卷凡二百七十卷謹繕寫為二百七十秩用  
黃綾夾複封全隨表上

進

宸扆臣某等忝備台司幸膺盛典顧惟載筆才何有

於三長勉進蕪辭慮庶幾於一得冒瀆

聖聰不勝兢惕臣等無任瞻

天望



聖激切屏營之至謹奉表陳

進以

聞臣

等誠惶誠懼頓首頓首謹言

元貞元年六月

日開府儀同三司書丞相監修國史臣等上進

聖壽節賀表至元十四年丁丑代中省作

伏以

龍德御天協千載休明之運星虹沆渚開九秋震夙

之祥正朔所頒臣民胥慶欽惟

陛下長策遠御睿斷有臨凡經制於宏規思光昭於

先業修振古未修之典集

累朝未集之歛獨運神機載揚我武削乎六詔無好

大喜功之心混一三吳見伐罪弔民之舉治道已隆

於貞觀風聲仍邁於漢家尚深闕政之虞屢致近衛

之問詢謀元老懷保小民體群臣敬其所尊免色徭

以之固本而又禁酒酤而重民食憫兵餘而肆

赦恩動順輿情咸躋壽域繫爾至元之盛德優於行

葦之深仁屬節屆於誕彌適躬臨於巡省臣某等久

承鈞軸列侍瑤墀一作分司莫壻愧無金鑑之封章切

効露囊之微悃鳳來儀而陪舞聽簫韶九奏之音虎

拜手而揚

休祝

天子萬年之壽

甲午賀正表代中省作

伏以寅宮建斗洪鈞轉一氣之春



漢殿稱觴大禮重三朝之慶衣冠環拱文物昭融恭惟  
皇帝陛下乾健萃精睿思作聖損皇綱而開大統備  
百度而冠前王澤既洽於域中威復加於海外  
中天而立躋世於平以富藏民惠免逋懸之賦先春  
肆赦

恩深寬大之書繫至治之惟馨致  
上天之伸祐

端臨正旦光動多儀受圖籍而膺貢珍醮臣工而湛  
春酒臣某等率先列辟拜舞揚休政與時新萬有遂  
生成之樂  
壽從天格八秩開億兆之祥

大都城隍廟設醮保佑青詞 代鹿  
卷作

伏以天監雖高曾易顯思之命基圖寅紹敢忘奉若  
之誠爰自君臨頗歷年所願躬躬之上託致至理之  
維艱豈期外海潛消復荷天休茲至爰風朔雪大開  
一統金穰玉燭屢致豐年而又雲靜祁連春回沙漠  
晝日有平安之報霜風無偃薄之虞匪涼德之能然  
皆

聖靈之所佑迺即青陽之月恭修金錄之科誥演琅  
函真臨玉境導含景蒼精之駕覆垂雲洪蔭之仁鑒  
茲報謝之虔重以保持之福干戈止息永惟四海之  
清邦國榮懷尚一人之慶如式

至元三十年崇真宮設醮齋意

大元



皇帝紹隆丕構撫御多方欲期中外之安致有憂勤  
之慮爰資道蔭用介福寧擬於今月初三日就大都  
崇真萬壽宮設金籙醮筵二百四十分位消日既良  
預期以告

青詞

伏以纂承有在擴  
先業以丕隆撫御攸寧皆  
上天之申佑况年齡之  
向邁資福蔭以彌深念茲  
一己之微事有萬幾之  
重邊聲雖捷軫慮良多精  
力自如過勤或倦而又四  
氣交更而無不順盤多生  
感受而未免乖和敢殫禱  
謝之誠普冀  
神明之相潛消災滯滋至  
天休

素履安舒符乾剛而不息  
皇圖鞏固叢景福以維新  
無任懽禱之至

祀廟樂章

無射宮之曲 昭成

於赫 睿智聰明天扶  
一德海毓群生  
文經武暢治定功成  
禋祀無期昭垂頌聲  
無射宮之曲 顯寧

天啟

深仁須世而昌  
追惟 顯考敢後光揚  
儀尊謚美禮備音鏘



皇靈鑒止降釐無疆  
祝文第一室

於赫  
聖武開運立極  
啟迪後人奄宅萬域  
繼體守文爰及眇質  
大位昭升  
陰相之力奉薦明禋載祇載式尚祈  
顧歆永深  
燕翼

第二室

不顯  
睿祖載揚我武左右  
禰昆者定臣宗慶衍  
本支  
紹纂基緒

嗣服惟初禮須告祀  
延洪幼冲永錫繁祉

第三室

明明  
我祖神聖無方武定文綏于  
先有光運開大統德冠百王  
仙馭漸遠攀慕奚極祔廟奉安緝典是式  
燕翼如在  
英靈日赫

第四室

於皇  
昭考神靈在天民受陰賜餘二十年不  
饗其位眇躬是傳追尊



徵號永言奉先爰用昭告齋慄揭虔尚冀  
申佑寶祚綿延

登明亥元神

維神 搃勳成功 尊臨陰位適承 歲德爰誕

恥躬屬秋仲之佳辰致嚴禋之菲奠仰祈

昭格永荷

神休

歲星木照星

維神 象緯玄穹 祥開下土直茲歲事相我

冲人恭伸默禱之虔爰即絳宮之闕庶憑 陰佑聿

底丕平

柳宿胎星

維神光臨 初度獲 纂鴻圖顧惟涼薄之躬萃集

簡穰之福近 因多故致崇幽壇尚冀 精英更隆安

吉

新船落至祭歲君文

成舟委波謂之落至維神灼知一歲之事况彼中河

轉致厥載上下安輸非神曷賴

修五門前橋祭歲君地祇文

應門將三前臨天津 玉輅所馳虹梁必陳爰構爰

締築之陜三神維垂祐迄于有成

五方帝祭文

因方殊號尊以帝祗殿臨五部有赫其靈維橋之作

鞭石駕果尚冀擁衛大來百祥



擬禁酒詔

漢賜大酺歲有常數周申文誥飲戒咸無彘况糜粟者莫甚於斯崇飲者刑則無赦近緣春早朝議上陳宜禁市酤以豐民食朕詳思來奏寔為興民可自今年某月日民間毋得醞造酒醴俾天物暴殄重傷時和共或違者國有嚴典悔其可追故茲詔示想宜知悉

中書省牒宋三省文

中書省劄該爰自

聖上即位之初重惜南北生靈之故一視同仁首主和議故遣信使講信修睦往年征進大軍即令各還本土仍嚴勅邊將非奉命以來載更歲律寤無來音上命毋得妄動行人銜

何哉不惟有失忱辭反啟邊釁以致攻圍我上蔡侵軼我鄧鄆襲華陽擾隨州劫掠真陽數犯連水此皆出於使輅已入彼疆之後將和而戰得無異議乎夫信與義自古所恃以為國者也一旦棄捐自有任其責者矣向也

大駕巡狩北庭以平內難今渠魁授首已於正月廿

六日還宮飲至頃因行臺入覲

陛見之日具以

奏聞請重兵暨境以問其故五月初五日奉

聖旨此一事發端自我始待之省府仰體

聖上仁慈尚存兼愛恐拂初心弗允所請且夫朝廷大計已定此特有司之事耳今就委本路發使



詳問馬若復遲疑不決秋高馬肥至日別有區處當  
司依奉省劄令差謬議官崔明道兵馬副都李合  
義充詳問使移文淮東制司即今國使安在何籍  
留不發并節次侵疆之後具由回示以憑呈省施行  
請早示定議據此須至牒者

順德府大開元寺重建普門塔碑銘

國家以神武戡定區夏際海內外悉主忠臣其所以  
尊顯釋教彌綸元化者方往昔為最重予以推弘濟  
之深仁歛無量之衆福續大寶錫群生濟六合於仁  
壽極樂之域豈特崇奉而已哉順德府大開元寺爰自  
聖天子潛印迄於御極持護寵錫者前後非一至精藍淨衆特

命近臣主領不與他寺比三十年間續光起廢集于  
大成主僧崇嚴以寺之大緣寔肇基寶塔今雖雄峙  
雲衛未有紀述何以壽無盡藏之傳至元丁丑秋懇  
輦真國師以其事請于

朝制可命奉御脫烈傳

旨翰林院定撰合立碑文者臣謹按提點僧崇湛具  
列事蹟寺舊有塔曰圓照癸酉之兵燹焉速

國朝辛卯萬安恩公來主函丈始圖興復其感驗靈  
異有神化無方者初公既祝髮心印佛乘機幡利用  
鍊形辟穀面壁安禪結習於臨城者五年建緣於清  
泉者有日演法出無礙妙辯濟物現當機應身至回  
邪入正卻火返風雞悟靈而啄香牛馴致而受戒寒



泉復智井之波，丰粟周衆僧之供，復以慈善根力愈  
奇疾，拯危厄，人藏髮餘珠，舍利潔庖寮而侍館，穀  
成公私而息繹騷，其感化方便，人巨具舉，第以菩薩  
日之，以致遠邇，隆嚮願言，依歸及廟，後興得能仁觀  
音，舍利二顆，光大殊常，又易塔心，柱礎因風自正，故  
勲貴豪富，鉅商世農，施獻輸給，同竟事緣，金幣梓材，  
不期而輦，至藝巧工能，不率而子來，風動雲委，畧無  
虛日，不十稔，疊構重簷，輪奐離立，文階層起，勢軋坤  
軸，藻拱璇題，翬飛塵外，若乃紺瓦鱗差，金輪眩彩，覆  
法雲於真境，曜慧景於康莊，絢爛動盪，若金光明中  
現無量化佛，仰之者火宅晨涼，即之者重昏夜曉，誠  
法界之寶宮，河朔之傑觀也。實經始於重光，單闕之

仲春，斷手於上章，困敦之秋，蓋簷十有三崇，六十仞  
其工與費不可殫紀。癸卯冬，師拂衣禪室，歸寂真室，  
師日有雨，木冰之異，塔位石像亦但化流潤，若君焉  
出涕者，及斂大衆，聞空中來妙音，樂聲雲光變幻，環  
刹成五色樓觀，中現三大士像，至有升塔投空，攀號  
者，其具戒門資萬數，內嗣祖傳法解三歲，教沙門令  
亦千計，其為世宗師感慕者，蓋如此。己酉歲，嗣僧崇  
朗因太保劉秉忠奏疏請，  
聖上為大功德主，遂嘉納焉。且聞師梵行清修，乃遣  
近侍護葬，及建塔賜銘，謚曰弘慈博化大士。  
勅寺額曰大開元寺，塔曰普門之塔。爾後累降  
綸恩優護，贍卹靡不備至，其紹化住持曰崇潤，嗣傳



住持曰崇朗崇悟崇瑀至宗嚴凡六代初緣清泉淨  
土寺乃大士宗姪崇音住持云臣竊聞大雄氏之教  
以清淨虛寂為心方便慈悲為用愍念大千衆生墮  
落苦海洪濤鼓風漂流無際世尊心運慈航拯溺度  
厄俾登彼岸歸淨土正路又慮一切愛慾有迷悶終  
不覺其本來真心者故假象設教開龐靈燄至理絕  
人區事出天外弗介奚能傳悠久而警悟萬億劫邪  
宰堵波之建假教高顯極矣然道自人弘功繇緣立  
非遇間氣傑出智慧開濟大士疇克弘通法海鋪敦  
教基如是光大者哉宜為  
聖天子終始崇奉如一特  
詔賜銘以昭永世臣某拜手稽首而獻銘曰

釋迦挺生自西域  
經從白馬肆金光  
仁王應世憫言湮  
教因象設濟無邊  
開元大士弘慈公  
法音演出琉璃筒  
高標突地跨蒼穹  
雨華天風韻流鈴  
聖皇錫號曰普門  
要欲手繫閻浮生  
臣聞大德必得壽  
蘿圖鞏固等弥盧

靈山玄風暢無極  
法本誠心歸利益  
大千淪流苦海厄  
塔廟龍宮爭湧出  
五載雷轟奮禪窟  
建此道場化所服  
一日雄尊三百尺  
師雖示寂此長舌  
臣今思議何惻怛  
躋彼仁壽極樂國  
佛應回施無量福



聖子神孫千萬億

秋澗先生大全文集卷第六十七

同日又校

秋澗先生大全文集卷第六十八

翰林遺藁

擬中書省賀河清表

伏以天開昌運，統一車書。地應休禎，河清陝洛。恭惟

皇帝陛下，德昭天漢，恩溥淵泉。覆露何止於中華，洋溢遠霑於方表。以致潤涵九折，鏡淨兩涯。自陝至汜，幾千里之遙，由乙至丙，逮三旬之久。鱗介之泳游可鑑，山林之形影皆分。躍圖馬於龍宮，未容專美。舞馮夷於鱗屋，時出如靈。顧茲上瑞之方增，特表吾君之至聖。臣某等叨居華省，幸覩榮光，敢傾葵日之誠，用代辭人之頌。遐荒嚮慕，百川宗滄海而玉寶。



壽祚洪延萬壽等丹邱之固。又上澄下徹光昭四表之  
壽國晏民安永益萬年之

擬聞捷賀表

天網雖疏曾恢而有失罪人斯得迓穆之來平  
外侮既消頌聲交作臣某等誠歡誠抃頓首頓首恭惟  
皇帝陛下仁念動植德孳生成振長策而用三驅念  
天顯而悖九族薦雷之震遠驚而邇懼大風之舉歌  
動而雲揚側聞喜自於日邊豈止威加於海內臣某  
等職叨省署阻奉  
鑾輿矧目龍旂遙伸虎拜歸牧武成於周馬歌功美  
邁於唐鏡  
六轡言還春動兩都之和氣千官飲至歡騰萬歲之

霞觴如式

中書省賀正慶八十表 甲午歲

伏以明堂受籍萬方歸一統之尊神策探祥八秩開  
大椿之首稽諸前古曾未多聞中賀恭惟  
皇帝陛下德本至仁天申顯佑維神聖之廣運致功  
業以獨高粲然萃三代之英蔚爾創一家之制與天  
立極躋世於平我澤我威洽乎南而暢乎北曰聲曰  
教漸于東而被于西方且通達下情蠲除積負肆  
赦恩而哀矜庶獄扇泰和而煦育群生宜福壽之既  
如川方增見寅畏之心雖日不足端臨元會光動漢  
儀舒化日於中天湛露恩於春酒臣某叨承  
睿眷久侍瑤階倫位秉鈞何補馨香之治捧觴上



壽永膺億萬之年如武

中書省賀 尊號

皇帝壽八十表

伏以廣二億而輪二億萬方歸一統之尊

春八千而秋八千

六葉開大椿之首稽之載籍曾未前聞恭惟

憲天述道仁文義武大光孝皇帝陛下

德本至仁天申純佑繼

一祖

四宗之業萬三皇五帝之功

燕翼貽謀動從民志以

大孫撫軍而重安國本以新河轉漕而通惠畿民建

大學而首善京師

清中書而杜絕群枉緩回

鑿輅省秋歛而即田功丕顯

前光纂武圖而修信史惟

聖神之廣運納

福壽於方來神嵩屢聽於三呼錢祖莫多於八百顧茲

鉅典稱慶宜先况盛事之難逢幸微生之親見臣某

等職司蘭省喜倍輿情順考百王實光千古輸誠報

上區、歌天保之詩以億祈年永、同洛書之誦

又

伏以王正紀月萬方歸一統之尊神筭儲祥八秩啓

無疆之算况得春於上日協正氣於四時事盛來并



禮須交慶恭惟

尊號 陛下誕膺景命祗紹炎圖載續三代之英  
創作一王之制繼天立極躋世於平化行鯨海之南  
威暢龍庭之北廓然可謂無事少魏乎其有成功  
方且以富藏民與免積年之負方春布德肆頒成赦  
之恩宜壽祖之方降見嚴恭之克享端臨元會光動  
皇儀舒化日於中天湛露恩於春酒臣等率先列辟  
拜舞稱觴久侍合階何益體元之政願言洛誦永符  
垂億之年

聖壽節表

伏以日符協夢茂隆探策之祥鳳曆周星方啓同天  
之運休徵滋至海寓交懽中謝恭惟

尊號 陛下帝學日新聖模天縱恢章先業垂裕

後昆所欲從民為天立極以

太孫撫軍而重屬世望以新河通漕而倍溢民儲建

國庠而首善京師清中書而杜絕群枉方

翠鑿之回軫慶玉燭之調元敬展賀儀載臨誕節臣

某等承乏鼎鉉同秉國鈞愧無金鑑之書徒切露囊

之獻

光瞻

北極列衆星環拱之先

壽等南山伸天保不騫之祝

翰林院聖節賀表

伏以翠鑿回軫屬千官飲至之秋玉燭調元慶萬寶



登平之歲載臨誕節煥舉賀儀中謝恭惟  
尊號陛下內極文明外昭桓撥爰從登極之初未嘗  
以位為樂思章先業垂裕後昆燕貽謀而以之撫軍  
清中書而俾之端本于以息肩中夏謹度侯藩上禱  
下祈為民歛福東征西伐與世除殘文軌一家而不  
曰治安者乎煙火萬里而可謂和樂者也尚觀惟新  
之政擴推不忍之仁包舉遐荒涵濡  
聖澤臣等叨居辭館榮列士林敬奉倪觴俯伸虎拜  
敢希金鑑之誠仰罄神嵩之頌感生北帝歌有商長  
發之祥壽等南山罄天保不騫之祝

謝授翰林學士表

臣言今日日蒙

恩除臣翰林學士者伏以求賢圖治遠邁

哲王養老乞言誠為重事况

聖代方文明之盛在禁林須超逸之才如臣者學術  
素疎柔榆垂晚俾擢升於衆上殆邈有於無中茲蓋  
伏遇

皇帝陛下聖敬日躋文思天縱紹接千年之統光揚  
列聖之徽舍所短而就所長小成小而大成大敢不  
凝思螭首益礪詞鋒由內外臺而登玉堂固已極當代  
縉紳之寵約舊章而修信史何敢企高天  
日月之輝如式

登寶位賀表

伏以承祚主器已歛曆數之歸助順與能允協神人



之望事光前古運洽重熙欽惟

皇帝陛下

皇祖聖武之曾孫

明孝太子之嫡嗣英武同符於  
先帝溫文早著於春宮扈蹕東征躬勤備至撫軍北  
邁我武維揚符命自至而呈祥宗盟樂推而同戴既  
深左蒼所助宜多觀大寶之昭升將兆民之永賴中  
統至元之治行見增隆漢文夏后之贊莫之獨美光  
融化日歡沸民謳臣其等以事  
先朝備位政府再逢嘉會喜邁輿情景命維新按軒  
曆上元之統太平假樂稱瑤階萬壽之觴

老人星致語

伏以太平有象治洽金穰至德無方文綏武暢惟精  
誠之上感致淵曜之輝臨臣遠自孤南光融狼北雁  
眉鶴髮月帔霞冠遽踰常度之躔來展流虹之慶恭惟  
皇帝陛下玉帛萬國庭衢八荒紹  
列聖之垂休圖舊人而共政幾先物而聰明齊聖量  
包遠而恩澤無遺取憑出丙之微明用禱後天之遐  
筭咸躋壽域樂對昌辰南極何深下坤維七十五度  
北辰伊邇拱乾位億萬餘年爰捧徽章式伸善頌其  
辭曰

天地穹窿一氣氤祥開來未

帝皇真九圍覆露堯天大萬有榮懷湯德新報上疇  
非思下、推恩及物自親、通明殿裏長生奏願祝



元貞萬春

中書左丞姚公制

朕聞世祖睿臨之久有文王多士之稱稱如種梗楠而備梁棟之材如積璠璣而供瑚璉之器而况先朝故老當代名臣良用慨然想見風采故中書左丞姚某生稟淑質世稱大儒爰自潛藩殆若神授天扶道統力主經筵以聖道而覺斯民燭天理而息邪說智足以達其言行辯足以濟其經綸耕桑開王業之艱征伐佐雲南之舉罷侯置守轉官之制初行論道經邦建極之功斯在是用圖回左轄羽翼

春宮永惟佐命之勤式贊

承祧之美齋羽東序從容賢傳之嚴

綸綍北門寂寞玉堂之話百身莫贖一鑑云亡開國

於營用旌直德可贈某官某謚俯惟英爽歆此寵靈

中書左丞許公制

朕究觀世數灼見天心粵惟有不世出之君然後得大有為之士運符千載道濟一時中書左丞許某爰自師儒遂拜左相用之不惟不重學之不惟不深貞一乃心執持苦節謀謨善斷精識造微既逢堯舜之明用安社稷為悅君聖臣真理明道尊庶幾夷夏之安風以詩書之教衣冠萬國雍容叔孫之儀仁義一家剴切魏徵之諫在中統至元之治有永淳貞觀之



風此其效焉功可忘耳而復養英材於國學齊七政  
於璿璣白首南歸尚深北顧憂來丘禱戲秋柱石之  
哀人衣鑑亡瀟洒風雲之契感時懷德想像其人忍  
惜卹章俾疏身後可贈某官某謚尚期窻窻不昧欽  
承

翰林學士承旨王公制

人臣大節忠義為先卹典推恩古今一致故翰林學  
士承旨王某道德淵深人品峻潔板蕩見忠貞之操  
文章有正大之風養力息兵貽謀進諫惟軍國正撫  
監之體將謳歌見曆數之歸白首匡時赤心為國庸  
示至公之論曾無一己之私而又扶昌運則一代名  
臣鎮雅俗則百年遺老去日漸遠有念何窮九原之

氣猶生不忘宗社三事之報斯在庶極哀榮可贈某  
官某謚尚冀英靈服我休命

請上尊號奏草

臣某等言伏見

陛下昭受

顯號今已十年

聖德神功日新一日又

聖壽新歲茂登八秩考于典禮合行再上

尊號上以贊揚

功德之萬一下以罄臣子愛戴歸美之誠謹此奏

聞伏冀

聖慈特賜允許



表 外任進賀

聖壽節賀表 至元三年

電繞中樞寶曆啟千齡之運祥開彌月瑤墀儲八葉  
 之冀凡在覆臨疇非鼓舞欽惟  
 皇帝陛下聰明時又聖敬日躋爰從在御之初未嘗  
 以位為樂大度同符于漢祖宏規遠邁於唐文續  
 四聖之丕圖新一家之大典尊崇故老思致隆平委  
 任勲賢迭居宰輔文之以詩書禮樂律之以軌度儀  
 刑薄賦輕徭省官定制尚側身而修行每前席以賓  
 賢察納雅言彌綸元化上所以恢章先業下所以弘  
 濟生民凡曰云為務從休息分總司而忝積年之弊  
 更庶尹而削藩鎮之權尊祖配天安宗祧於九廟敷

文柔遠舜干羽於西階功德兼隆神人交暢以致服  
 前代所不能服臣上古所不得臣東夷航海以來庭  
 西域梯山而款附可謂振長轡以遠馭敵中國之至  
 仁仰惟極治之難名皆出聖模之廣運載臨盛旦敬  
 舉賀章臣等猥領郡符恩崇天造進之千秋之金鑑  
 遙稱萬歲之霞觴同虎拜以揚休下列阻陪於北闕  
 効嵩呼而獻祝慶歌載詠於南山

聖壽節賀表 至元四年

甲觀開祥嗣大歷無疆之服華封請祝罄後天難老  
 之期凡在燾臨率均呼舞中謝欽惟  
 皇帝陛下文思天縱聖憲日新得漢唐經國之權綱  
 極堯舜知人之濬哲以岳牧治本也疏之而冊授中



書化源也。清之以弼諧，尚蕪聽以為明。每得賢而恨晚，溥覃祿秩，優復民田，有官荷覆露之恩，含氣遂生成之樂。家給人足，時蘇歲豐，九歌莫被其神功，萬事馴歸於道揆，而又順長道而屈群醜，推至悌而御多邦。謂本支一出於祖宗，重疏恩而立愛，江漢終歸於淵海，首繼好以息民，由既睦而於變時雍，以克肖而全付所覆。春際八荒之壽域，天開一統之徽祥。瑞屢見於蒼麟，箭罷傳於青海，西窮月窟，率稽顙以來。玉東極扶桑，復寅賓而朝日，繫爾至元之盛烈，於昭曠古之深仁。瑞節載臨，賀儀煥舉，巨其等心馳魏闕，職限宸藩，阻振鷺以陪庭，儼天威之在上，千官飲至，傳聞置酒於南宮，萬歲稱觴，第切瞻光於北極。

兩宮正位稱賀表

伏以正位建儲，舉一代當行之興，推仁被化，遂萬邦咸喜之心。凡在臣鄰，同音鼓舞，中謝恭惟皇帝陛下，道彰坤順，德益離明，治首

宮闈，基陰

國本著

母儀於天下，融

少海之波光，謳歌見四海之歸，教治豈二南之廣，壯本支於百世，聳官儀於一時，某等職忝侯藩，心馳象闕，徒切煙花之想，阻陪鷓鷯之行，敢罄丹衷，載陳封事，德符寶運，拜揚稱三殿之觴，慶衍蘿圖，綿亘接萬年之統。



聖壽節御史臺賀表

鼎定皇圖，接千歲上元之統。天開甲觀，儲九秋盛德之祥。聲教所加，謹呼斯溥。中謝恭惟。皇帝陛下，堯文天縱，湯聖日躋。爰從在御之初，未嘗以位為樂。躬勤儉德，夢想幽賢。察納雅言，恢弘治道。蕩皇威於北海，藉千畝於東郊。載崇列聖之鴻基，仍創一家之大典。漢官儀之漸復，唐治具之畢張。尚深闕政之思，屢下卹民之詔。內被災而修行，外祭政以施仁。明德綏刑，輕徭薄稅。而又天臨睿智，坐析遐衝。昭曠度以無前，振長轡而遠馭。爰整干戈之事，終歸雨露之恩。雲掃黑山，孰謂玉關之久閉。春回鴨綠，旋聞滄海之維清。既荒外服之功，尤盡內修之理。繫尔

至元之盛烈，於昭曠古之深仁。瑞節賁臨，賀儀煥舉。臣某等，榮叨臺諫，戀切葵傾。陪稱漢殿之觴，仰効露藁之獻。光瞻北極，罄封人上願之心。壽等南山，伸天保不騫之祝。

聖壽節賀表

寶曆膺期，接千歲上元之統。日符協夢，開九秋盛德之祥。稱慶惟均，際天所覆。中謝恭惟。皇帝陛下，離明繼照，乾健乘時。動順民宜，更張治化。求懿德而式序，尔位任吉士而勵相。我家尚深闕政之思，屢下子民之詔。去網更仁，於湯祝敷。文思格於苗頑，既荒外服之功。尤盡內修之理，卜營督亢宅壯陪京。據山河全勝之區，得貢賦適中之地。予以隆上



都而觀萬國備時巡而禮高年四聰達群下之情一  
豫諸侯之度臣某等榮叨郡寄心切葵傾阻稱漢殿  
之觴徒効露囊之獻運鍾北帝祚有商長發之祥壽  
等南山伸天保不騫之祝

御史臺賀正旦表 至元八年為御史時作

伏以鳳曆頒春三正協夏王之統雞人唱曉萬方稱  
漢殿之觴品彙冲融衣冠環拱恭惟  
皇帝陛下容德乃大盛蹟無前載新出震之權端履  
乘乾之位東漸滄海高麗蒙再造之恩西極渠搜葱  
嶺多來庭之使國字創一家之制朝章舉曠代之儀  
方漢之險何足恃乎高深蓬萊之波旋復聞其清淺  
終格羽千之舞姑奉文誥之辭咫尺天威趨承鳳闕

蕩恩光於萬里醉春色於九重臣某等久侍瑤階叨  
居憲府獻可替否詎能振臺閣之風拜手揚休仰以  
祝河山之壽

正旦賀表

伏以玉燭調元莫茲啟堯堦之曆琳花獻頌錦封陪  
漢殿之觴朝野同歡乾坤交泰中謝恭惟

皇帝陛下仁涵動植德備廣淵受籍以朝履端於始  
爰體春王之月屢頒寬大之書顧軫慮以洪深濟吾  
民於仁壽而復開明堂而坐治奉帝籍以躬耕提攬  
皇綱務滋大本鳳城斗轉春迴萬里之農桑紫禁天  
開瑞霽兩都之雲氣臣某等叨承列郡遠被恩光敢  
俯頌葵日之誠仰以効華封之祝遙瞻北闕天威殆



咫尺之臨壽等南山神爰授萬千之奠

史都督謙總管表

臣謹言推賢以位敢希高世之名以讓移風固有為  
邦之教志雖自信政亦當然中謝伏念臣某等鷹犬  
微材邊防舊帥起家燕地分土恒陽累朝荷春遇之  
恩報國之忠貞之效正以先臣之故久膺方面之權  
崎嶇提陽夏之師屯成控荆門之會仰憑  
聖筭十載無虞鎮守長江寸功何有比加寵數方驚  
都督於諸軍恭被朝章俾襲天倫之舊物  
君命凜雷霆之重微軀處伯仲之間情有難安禮宜  
遜讓臣兄某灼知民事素秉忠心功收製錦之能政  
洽承流之體如黃霸已優於治頴何景宗遽可以臨

民伏望

聖慈鑒臣愚智非敢圖私己之便實恐貽不友之譏  
念、天恭敢後周書之誠堂、大國務先棠棣之風  
謹拜表以聞

聖節望闕祝文

龍馬授圖已肇興王之迹流虹啟聖大開彌月之祥  
允居覆載之間疇匪懽忻之至欽惟  
皇帝陛下聖謀能斷睿智足臨天祐人歸功崇業廣  
西平大理蘇雲霓倏望之心南渡長江得風日清明  
之助爰履神明之祚恭承祖考之休庸示至恩以昭  
曠度親王昆弟光輝棣萼之樓異姓勲臣楊歷金華  
之省尚求賢而若渴每從諫以如流所期無曠於庶



官急欲廣聞於民瘼，禮百神而歛福，順三時而務農，載戢干戈，俾安田里，施仁發政，先困窮無告之人，講好息民，傳邊鄙喜功之奏，而又兵民異政，威愛並行，鑑古昔之安危，立規模於宏遠，移官吏而除累年之弊，崇儒雅而興文治之風，尊京師而強<sup>幹</sup>輔弱枝，削藩方而如臂使指，分宰相於諸道，專委任而責成功，置統軍於遐陬，蓄精銳而消外侮，唐世之時，雍<sup>王</sup>變漢家之治，具畢張以致祥風，扇和時雨，霈德炎洗蠻邦之瘴，春回沙漠之寒，車書八方，不日治平者也。煙火萬里，可謂和樂者乎？民歌德化之成，心靡帝功之有，當萬寶秋成之節，遠群龍首出之辰，湛珠露於仙盤，蕩金風於玉宇，香鬱三山之紫，雨務懽騰太液之蒼波。

吉旦光臨，溥天同慶，臣等叨居民部，阻奉壽觴，不勝葵藿之誠，仰答乾坤之造，遙瞻北闕，天威遠咫尺之臨，拜祝南山，神筴授萬千之筭。

十六年賀正旦表 任河南河北道提刑時作

正朔所頒，邇遐交慶，欽惟

皇帝陛下，端臨左个，誕受輿圖，仁擴春寬，道開時泰，化日舒而民力足，奔鯨沛而海道空，清明際區宇之間，鼓舞樂雍熙之治，尚惟事統，丕顯聖謀，孜孜下達於民情，念化隆於邦憲，保釐荒服，減吏冗而益監司，惻憫長征，數軍實而免貧後，功極見寢兵之漸，策長盡取遠之方，履茲肆覲之辰，介以如山之祉，臣等



欣逢盛旦叨領外臺政罔肅於簡花禱徒伸於楹頌  
遙瞻宸極阻奉觥觶夢聽鈞天霑露恩於春酒對揚  
休命祝

聖壽於南山

聖壽節賀表 至元十七年八月初二作

秋滿皇都荷

大駕省方之豫祥歌長發屬千齡應運之辰夙旦載  
逢儀章煥舉恭惟

皇帝陛下聖惟桓撥智足睿臨昇式九圍大開一統  
爰念盈成之戒每深覆幬之仁挈彼生民躋于壽域

兵刑寢措收  
帝王之極功基業恢弘光

祖宗之丕緒儲此無量之福有來滋至之休繫爾大  
元於斯為盛臣等叨持使節遠達天威雖微金鑑之  
輸誠敢後封人之願祝盤銘至再天心享一德之新  
嵩呼者三

聖壽永萬年之笑

進瑞芝表

皇帝聖旨裏臣某等言於所領汲縣界內今月某日  
陶工朱良舍中產土芝一大本者伏以至和大來嘉  
既昭應爰念開先之兆聿彰承順之祥臣等誠惶誠  
恐頓首頓首敬惟

皇帝陛下政洽慈仁敬事者舊

聖惟廣運惠澤春融



德合無疆，瑞草英發，形枝曄曄，合為連葉之芳。紫蓋煌煌，<sup>雙</sup>出銅池之秀，木樛慚稱於弘景，郊歌美並於班書。以茲玉質之奇特，著

吾皇之壽，適迎誕節，恭覩殊姿，臣某等無任忻抃慶頌之至，謹具表進獻，以聞。臣某等謹言。

甲申歲正旦賀表 山東憲司

伏以齊七政于璣衡，統允協於夏正，受四海之圖籍，喜大溢於周邦，香翻白獸之尊，光動黃麾之仗。恭惟皇帝陛下，敷臨神筭，武定文綏，體元建極於中天，顯任責成於諸相，惟德應上天之眷，遂運開一統之祥。

宴錫彤弓，晝接<sup>五</sup>闕之使，塵清滄海，暖回暘谷之春。歷觀往代之規模，未見今日之全盛，尚軫憂勤之念，屢頒寬大之書，便民之政，以次舉行，煩民之事，悉令革去，廓然可謂無事，巍乎其有成功，臣某等幸際鳩辰，敢陳椒頌，遙下肅雍之拜，如臨咫尺之威，紫禁繁花，夢想鈞天之奏，華封獻壽，祝同嵩岳之呼。

聖節表

伏以氣調玉燭，開九秋大有之祥，露湛霞觴，獻天子萬年之壽，賀儀煥舉，海寓同權，中謝恭惟憲天述道，仁文義武，大光孝皇帝陛下，立賢無方，從諫弗弗，畏服得所，臨之道威，揚極載績之功，平內難而，以義滅親，停遐征而，敷文彙遠，而又政歸一相，事



華多門永言夙夜之思大得股肱之助臣某等忝膺  
郡寄密通

天顏歌天保以歸休阻陪駕列罄華封而願祝寧効  
嵩呼

牋

千祿節賀牋 至元十八年六月

運炎鳥火見上天於穆之休一作皇天眷命大開一統之基甲觀呈祥適際

誕弥之月

帝降玄高適長發其祥之月千秋稱慶四海攸同欽惟  
皇太子殿下德粹元良道隆純孝允當楚璧歷試堯  
難未明問寢於龍棲思治望賢於漢苑日深子愛時  
御經筵擴推不忍之仁陰作無量之賜而又維持臺

憲與振新綱左右端人圖維國政雖一事仰資於  
聖斷致兩宮咸得其懽心以茲中外之情顯切撫監  
之望某等內塵汰從外領雄藩恩深少海之波瀾躬  
侍春坊之劔履玉卮為壽陪鳳舞於西池鶴禁揚休  
等嵩呼於北闕一作玉卮為壽陪鳳舞於西池  
池寶緒分輝俾壽昌于北極

啟

上經略史公啟

壬子年三月十七日門下王某謹齋沐頓首百拜致  
啟于

經略相公閣下右某言乾坤草昧建諸侯所以濟也  
茅土分封雖大人為能開國仰佐  
龍飛之運須資嶽降之賢擬議以言非公孰可浩惟



經略相公閣下器兼文武運偶經緯衆推為上將之  
材自任以天下之重攀鱗附鳳卑依日月之光捧轂  
推輪榮受干戈之命萃一門之忠孝兼五路之侯封  
終始四朝陰夷一節仁溫、乎冬日氣凜、乎秋霜  
內蘊一誠外含萬動推而行陣則勇摧大敵歛而康  
濟則澤被生民顧所遇之如何必其才之相應鷹揚  
虎視收中原百戰之勲蘭婉芝芬霜漢將千金之譽  
既備過人之智故多及物之功綏斯來動斯和存者  
神過者化紅蓮綠水盡借籌入幕之賓長劔危冠皆  
扛鼎蒙輪之士謂蟻穴尚干於天計詔龍驤暫駐於  
遐陬旌旗未指於淮壖草木先聲於江左虛懷下士  
宜平原賓客之三千不戰屈人切克國便宜之十二

雖閑暇不忘於武備一周旋悉本乎儒風詩書鞍馬  
之間談笑風塵之外又且脫屣示讓在人所難當諸  
郎勝事之初乃一旦奉身而避奔壁而負其子林回  
雖近於人情捨己而與諸人季札蓋存乎教典方慶  
懸車之樂復承顧命之榮乘駟而超天河以腹心  
而恭廟筭增輝白日叶贊明時力障群陰春回華夏  
試手已安於漢鼎阜民共拂於薰絃柱石之力初不  
讓於霍嫫姚股肱之貞豈復減於蕭相國而又量容  
江海利先國家顧所收之邑委以不爭蓋先見之明  
知其有在果展斗間之紫氣卒攻度外之鴻名知其  
囊有成忠存膺渥眷復衛邑為之湯沐豈曰偶然錫  
康侯至於庶蕃固所宜也望符輿議勸動百城顧茲



襁負以偕來寔出恩威之素著僉曰維昔有虎苛之  
政于今無犬吠之虞一新污穢之風共沐神明之化  
出幽谷而遷喬木孰不快哉若大旱之望雲霓後斯  
久矣此共推於公議匪獨出於私心今衛勢據上流  
土名沃壤衣冠之所出風化之所生奈何民陷死者  
積年政弊極之有日治期清靜無如宰牧之良俗久  
浮佻宜審急先之務况仁深改革意切矜憐固非賤  
子之當陳諒以愚衷之所激伏念某三尺微命一介  
書生慚非適用之才素負讀書之念無繩以繫白日  
昔年甘落佩之迂披霧而覩青天今日有彈冠之慶  
且平昔想聞其風采况終身得為之主盟為喜可勝  
所愛一寫聞風興起已空北海之濱杖策來歸獨愧

南宮之謁儻預蒙於剪拂庶得免於駑駘所願無他  
其心止此借齒牙之餘論照枯槁於寒鄉燕麥兔葵  
尚異春風之搖蕩鼠肝蟲臂敢逃大冶之鑪錘庶將  
螢燭之微仰賀風雲之未過此以往不知所裁某頓  
首再拜冒黷  
尊嚴不勝戰栗之至

上姚敬齋啓

中統元年七月六日席生王某謹齋沐頓首再拜致  
啟于

尚書宣撫先生閣下伏審

九天頒詔側聞方岳之分臨四海嚮風喜見太平之  
有自顧惟孱劣冒稱提撕况



朝廷方弘治之辰，而州縣以得賢為急。須燕立德升  
聞之士，可副大人吐握之懷。如其者稟性疎愚，與人  
朴直，斷无它枝，徒切休心，爰自穉年，持乖庭訓，雖讀  
書鄉曲，謾攻童子之雕蟲，及學道蘇門，徒竊孫登之  
吟嘯，因沾餘溢，得列諸生，然固窮得輟於絃歌，念來  
事可為者忠孝，吾將仕矣，未見其人，蓋女為悅己者  
容，士為知己者死，俄翰簡光臨於圭竇，見先生樂育  
之素心，為喜可勝所憂一寫，何乃至於此，蓋有激而  
云身賤貧而處世無聞，跡泥塗而遇知為貴，若夫燕  
築臺而師郭隗，豈天下之無人，備奉命而奔孔融，所  
喜世間之有己，將樞衣於不日，終瀝膳以謝誠，伏惟  
閣下學際天人，材兼文武，幾年潛邸，一變經筵，儀表

四方股肱元聖，方綦間捷，偉謝安雅量之雍容，抗表  
出師見諸葛忠規之遠大，以致佐命收奇功於六詔，  
除殘債封豕於三秦，盪平青海之波濤，補就蒼天之  
日月，古方尊馬空於冀北，首令詔撫於山東，杖扶戴白  
之瘦瘠，春動百城之草木，欲降承流宣化之權，故擴  
并採兼收之路，慮一夫之不獲，念小子以何堪，戴德  
若天，酬恩無地，比遂埽門之後，庶堅磨鈍之誠，利一  
割之鉛刀，享千金於弊帚，翮知短鋸，敢圖運海之鵬  
程，言至丹三，恐辱知人之藻鑑，過此以往，未知所裁

上張左丞啟

中統元年六月日，衛人王某，謹齋沐頓首再拜，啟事  
於中書左丞宣撫相公閣下，欽聞



明詔來鎮雄藩，凡在提封，咸增慶抃，謂天下大統也。尚建侯而不寧，初無中外之限，方岳至重也。惟得賢而俾入，故咨帷幄之臣，然念德非盛大，不足以填壑；夸毗量非弘深，不足以包拯細大；才非經綸，不足以酬事變；望非崇高，不足以饜人心。恭惟閣下德富天彛，材為世用，望出中朝之勳，舊量涵萬頃之汪洋，兵濟長江，符羊祜抗章之志，龍興代邸，偉宋昌獨斷之能，故得雨闢雲開，陰消陽長，雷霆驅號令之威，朝野擴網維之治，繡衣南下，寔永流宣化之權，齊斧西臨，正摘伏破姦之日，而今況河朔數路，懷衛兩州，世官有晚唐擅據之強，風俗近天寶塗炭之苦，穢彰隣邑，政出多門，其為害也，權在吏胥之手，賄甘桀黠之心。

敗者能先去之，善人者其自存耳。以聖求直言之者，故愚儒及舊政之非，伏念某一介布衣，半生文史，顧其時之可出，念所學之無成，北闕上書，媿乏馬周之志，南山種豆，每懷揚擘之風，觀化明時，游心至道，不求鳴於時，相終混跡於常流，少得見知，侯喜顯名於韓狀，如蒙所請，曾點終老於孔門，過此以還，未知所措。

授翰林修撰同知制誥兼充國史院編修  
官謝中書省啟

中統二年秋七月廿九日，王某謹齋沐頓首百拜奉啟事于中書門下，伏以幼學壯行，自吾儒之常事，位尊德薄，寔君子之深憂，况禁林乃清切之資，而自昔



極人文之選，如其者，性資樸魯，學術靡蕪，幻窺篆刻之文，稍服鯉庭之訓，而藏修葺，有其素，徒佔畢，不去其心，血指汗顏，竊美柳州斤斧，屬辭比事，略窺左氏門牆，賴鶚薦之先容，致囊錐之立見，幸遇鴻熙之世，來觀上國之光，自嗟坎井之蛙，日侍幕蓮之地，時乏駿足，用駕馬以代驂，筆悞素屏，點蒼蠅而成質，方退南飛之鷁，重留西掖之垣，方筵預使席之榮，行李致館人之意，念朱雲之恥吏，哀王孫而進殮，顧影自憐，捫心有託，特以見知之厚，遇不無立仗之長鳴，苟丐虛名，盡光歸路，豈意誕膺綸命，峻陟文階，忝分蓮炬之光，得與玉堂之選，固不能奮陽城之觀，望無乃自郭隗而權輿，儘不負十載夜聽燈火之勤，足以瞑九

原先子之日，其榮已極，夫復何求，茲蓋伏遇中書相公閣下，柱石中朝，風雲潛邸，羽翼四人，之勲業，文章兩漢之精華，秩乃代天門，無弃物，父子傳溫國之學，書史備鄴侯之籤，公持權衡，彼自為之高下，信如寒暑，卒皆遂於生成，豈謂悒悒，蔭及蕭艾，其敢不勉修士行，恪守官箴，仰酬雨露之恩，俯答邱山之德，蓬蓬蓬蓬，固敢期九萬里之程，碌碌因人，庶不在十九人之後，過此以往，不知所載，謹奉啟事，以聞，王某頓首再拜。

青詞

齋意

早氣隆蟲，歷三時而已遠，守臣惶懼，顧大責之難逃。



輒先穀雨之辰，敢罄需求之懇，預期以告於禮，則宜。

祈雨青詞

恐懼自修，災有可消之理。敬誠斯在天，無不饗之心。伏念臣憚素昧臨民，叨承摠寄，每荷登穰之惠，庶寬撫字之憂。爰自去秋迄于今歲，風霾蓬勃，生意焦枯。時疫大興，秋種未下，氣將交而寒薄，雲已合而風醜。既走郡祠，載呼洪造，恭輸至懇，光啟靈壇。集道侶于琳宮，宣琅函之真誥，伏望九天降監，列聖垂慈。分勅山川之神，普下雷霆之詔，風災一返，膏潤咸霑。使春事無訛，喜動四郊之耒，秋成有望，歌慶高廩之詩。臣無任瞻天望聖，激切屏營之至。

祈雨青詞

伏以萬物盈于兩間，亭毒必資於帝力。皇天祐于一德，高明庶格于精誠。比者時雨愆常，秋種不下，重念無辜之者，將罹飢饉之災。用是罷將作而弛土木，禁市酤而重餼糧。循省自修，冀回哀眷。氣將交而寒薄，雲既密而風醜。適當龍見而雲爰致，桑林之禱。恭延真馭，崇建靈壇。伏望列聖垂仁，九天降鑒。易陰陽之恒數，幹運化之玄機。下勅豐霖，霈流甘澍。蘇槁麥于南畝，播嘉穀於東郊。一條昏霾，溥含生意。豈惟大賚三農，免失業之憂。嘉與多方，高廩享有年之慶。

祈雨青詞

天地乃萬物父母，忍飢饉之荐臻。風雨為一歲咎休，顧得失而與應。念守臣之不職，致春旱以為災。終風



且霾稻不入土近雖霑其濡潤終未至于霑露二麥  
就枯群情懷懼念鰥寡無辜之者有溝壑立至之憂  
既走郡祠載籲玄造滙愚衷之至懇建兩部之靈場  
伏望真宰鑒臨高穹陰鴻溥同一視之仁大霑如膏  
之澤興嘉苗于四野際和氣於兩間庶寬轉側之勞  
共慰後蘇之望所有報禮其敢後而

為春旱蟲災青詞

伏念天聰雖高惟至誠而能感田功未即繁歲事之  
可憂敢瀝丹衷仰干玄造茲者自春徂夏時雨愆期  
萑桑卷而步屈為災嘉禾槁而風埃蔽野吏則不德  
民將何尤非恐懼以自修將蘊隆而冒已爰差穀旦  
乃建靈壇延致羽流恭修法供應蒼精之昏見其誠

意之字通伏願列聖垂慈九天降鑒俯回哀眷霑甘  
澤於一方丕顯神功享豐年於高廩

齋意

伏以驕陽恒若時雨未沾嘉禾槁而耕墮如焚步屈  
災而春蚕闕食齋心預告於禮攸宜

為張縣尹吉求嗣青詞

伏以不孝有三身無後而為大輸誠儻至天雖高而  
聽早敢瀝丹衷用干玄造伏念臣某一行作吏壯歲  
當官久居簿領之間未免輕重之悞或養志固終于  
時怙或臨民多<sup>謹</sup>斲於哀矜以致二子<sup>子</sup>併亡半生惇獨  
自孽難逃於陰譴隱憂恐及於先人敢資惟惠之仁  
爰謹籲天之請敬陳清醮上扣高真伏望大眷垂哀



憫孤影零丁之苦維羅應夢廣一門嗣續之傳

為鄉人禱疾青詞

伏以民固多愚匪易天心之感老惟欲逸何堪豎疾之嬰敢以聽卑用伸懇至伏念臣某生居市闕長失義方凡有作為不無過咎或營以窺利或昧以馮生正以貧癡愈深罪釁又緣移徙多所紛更穿掘既發其蓋藏修治悞衝其禁忌以致災徵未已病日弥留和豫既乖眠食稍廢揀藥徒為之暝眩朝昏遂苦於呻吟伏望上聖垂慈高真降祐庶憑仁覆得蒙嘉勗之安言念愚衷永謹省修之戒

秋澗先生大全文集卷第六十八

初四日校

秋澗先生大全文集卷第六十九

疏

衛輝路創修文廟疏

竊以廟而通祀國家極典禮之尊教以多方庠序乃風化之本子馬而父臣焉而君大凡日用之間無匪聖人之道既富而教日時則宜猗嗟君子之邦以曠素王之位吏之不職孰此重焉學之不講是吾憂也爰興丕構庸示教基橫前日輪奐之規啟百代神明之觀經始雖先於一府贊襄寔賴於諸公益土木之資瓦甍之用須豪傑而共濟庶程度之可完仰止翬飛永鏘玉振春秋二祀肅豆籩三代之儀衮冕而玉還文物昔年之舊凡我同盟之者即當聞斯行諸謹

卷六十九



疏

大成殿上樑疏

伏以起百年之廢，不踰乎素心。合四境之人，用扶其脩棟。凡曰有生之者，孰非吾道之中。功將成於落成，衆能無於小助。况鄉校半讀書之子，而師帥舉稽古之流。重瞻卬衛之天，久被絃歌之化。推求治本，一出儒宗。敢紆長者之車，未聽兒郎之偉。謹疏。

重修衛州蒼谷山廣施王廟疏

伏以民所欲而神必從，宜深乎報神。有享而民乃王，否則疇依。顧雖明神爰處，蒼峪司分。兩部權控龍威，時罹曠乾。禱輒靈應，且王號已昭于舊典。而秋思又見於新條。比者祠宇年深，椽楹日圯。塵昏畫像，慘雷

轟電擊之雄。瓦落宮牆，動木老雲荒之嘆。今將上完霧棟，旁奕蒼池。及時瞻山雨之來，闔郡享豐年之賜。神報久已豐矣，公等宜如何哉。謹疏。

隰州蒲縣重建嶽廟臺門疏

伏以鐵鳳翔雲，神棲固極於壯觀。銀臺墮墜，天廢必假於人謀。眷岱嶽之行宮，據蒲城之右麓。豐碑具述，歷代增崇。雖作鎮於東方，寔普臨于率土。有禱輒應，顯化未常。蓋幽明秘不測之神，而死生為總歸之府。茲非尊奉，曷致敬恭。今將大復神譙，俾還舊觀。計百費以寔博，顧一已而難為。衆力經營，厥功可俾。舉蒙少助，不日告成。靈威肅喬木之風，雲氣動孤山之色。璇題藻棟，儼九天來格之儀。僚寀黎民，獲三殿護持。



之福幸無落鑑請署芳題

玉清觀化緣疏

竊以雲飛鶴舉固所本以為常火食屋居在有生其  
可闕未遂山林之往所期性命之安如某者亦鄭圃  
之居久滿戶間之屨慕子真之隱擬耕谷口之雲雖  
南鄰北里摠是檀那而凌雨震風可踈寢處為歸冀  
數飛於夢蝶奈拙謀復甚於林鴉王錄事倘助於草  
堂庚桑楚庶林<sup>林</sup>畏壘田<sup>園</sup>成趣<sup>趣</sup>乎分乎二頃烟霞  
杖屨它時共樂此一庵風月凡曰通方之士能無尚  
義之心

郟城縣普濟<sup>寺</sup>化緣疏

伏以建外道場不獨為天女散花之供祈

聖人壽庶或盡臣子永命之心眷高魚之北鄉延獲  
麟之西鄙古瞻勝槩地發龍光已雷普濟於明經未  
覩華嚴之寶界今將百堵具舉精藍幸修需仗衆緣  
能成妙果道昭者雲龕野衲海嶠行騰卓錫得泉了  
此這場諸佛事投竿在水肯教空載月明歸謹疏

請黃先生德新主善疏

三年至毅諸生忍廢於光陰一卷立師學行首明其  
模範惟大治有鑄金之妙良工收琢玉之功况漢庭  
發策本之明經而近代程文自有定體欲造科場之  
捷徑須求事業之專門伏惟殿元先生葆發儒林道  
傳絕派繼踵于黃氏三山之後探蹟乎上古八索之  
前而又馳騁乎百家通貫乎六藝春闈陣合筆驚風



兩之聲。夢澤曾吞文龍。江山之秀。久矣倦游之興。偉哉樂育之心。倘蒙憫小子之斐狂。永以為國人之矜式。高懸絳帳。嗣音敢自於吾儕。仰屬青衿。固讓毋勞於謙德。謹疏。

襄陵縣重建飛橋化緣疏

伏以平水漕川。依約金城之舊。彩虹沉影。空餘華表之遺。矧當晉秦南北之衝。有秋夏泛溢之阻。僧清者心存肯構。力振前修。經營者已數年奔走者幾萬里。每以力微而事大。懼夫始作而終衰。驅石必東海之鞭。洪波可駕銜木仰西山之鳥。尺喙徒勞。在他邦果於義為。豈鄉國獨無至意。倘垂一諾。過重千梁。少分有限之功。陰受無量之福。公私安濟。免勞鄭國之乘。

輿遐邇具瞻。復覩河東之偉觀。謹疏。

追薦孤魂化緣疏

切以辟辯游魂。雖著長終之變。傳明滯魄。深詳為厲之文。久失所依。誠為可憫。痛彼河南之戰。重為天下之傷。血殷溱水之波。尸蔽奉寧之野。兵自休者已三紀。祀而存者能幾家。野祭不來。愁絕喪元之勇士。沙場半歿。盡為亡社之遺黎。蕭條蒿里之悲風。黯慘棘林之老月。尚過者動藁裡之嘆。况仁人同桑梓之情。義所當為。祭而非諂。凡我見而知者。忍不聞斯行諸。故謁同盟。畢茲大事。魂兮來此。庶幾貴賤之攸歸。心獲所安。不謂幽明之有識。倘蒙金諾。請掛銀鉤。

上張宣慰疏代劉進之作



切以辱甲子於泥塗趙武有由吾之嘆轉江沱之窮  
鮒昌黎云投足之勞懷古傷今而復有此進之先生  
文摩屈壘心醉麟經學詩得東野之窮好學有征南  
之癖以壯歲負并汾之氣幾年為河朔之遊老雖益  
堅空至於屢拭白首窮途之淚夢黃雲盡角之秋思  
歸敝廬得甘饘粥撫孤松而吊影望先壠以含悲具  
爾是逢翻然可駕麥舄惠顧一帆助順濟之風華表  
歸來獨鶴遂長鳴之願伏惟使相學士閣下氣嚴霜  
簡名在帝心炳趙衰愛日之輝聳吏部泰山之望爰  
從公議兩鎮名藩承流已浹於河汾宣化又漸於海  
表去國見似之者喜同聲亟相應之情嗚呼託子而  
來嘗切慕古人之義請書而去思游揚足下之名為

成尺素幸念鄉枌之舊與分鄰燭之光倘  
請題芳字謹疏

為宋儒楊從龍贖身醵金疏

切以觀軍府而釋鍾儀傳美晉侯之德解左驂而贖  
世稱晏子之仁古則云然今亦能爾唐風雖儉  
義則豐荆璞不逢遇和則售士人楊從龍者晉州  
客吳會諸生念江湖當波蕩之餘得升斗遂身安  
之在士庶官寮之者當體寬恩以吹噓惠費之仁  
不過一謙倘蒙金諾請署芳題

筭學主善疏

養言六藝數之先訓彼群蒙業必專門之者  
伏惟宜之先生術窺海鏡心洞神機以勾股而測高



深極乘除而盈縮挾此九章之妙屢為一卷之師  
倘許光臨豈勝幸口傳要訣同趣開悟之方手筭  
萬籌庶無倒顛之謹疏

為刊字醵金疏

郡有發明潛德豈惟鄉國之賢閩繫民風庶見  
古今之事為書者凡一十五卷計字數近六七萬言  
其傳必錄諸梓惟是閑居之久苦無力量之多  
費口糧倘蒙少助雖夜光明月不為暗投公等  
乎我正賴有此耳謹疏

太康縣新建忠武史公祠堂疏

伏以臨危脫難無深骨肉之恩報德靡忘莫重春秋  
之祀太尉忠武公曩分帥閩東徇京畿擴仁心而

歛兵鋒招柘城而降陽夏繼來臨戎尤盡撫綏雜耕  
無相擾之私按堵享維新之樂百年父老廕自餘休  
三尺兒童慶延史氏今將起神祠於舊里昭大德於  
吾邦其等雖經始於一時敢獨專其至美庶憑衆力  
易見成功具我時瞻要擬甘棠之木春言遺愛豈惟  
墮淚之碑凡我同盟請題芳字

秋澗先生大全文集卷第六十九

初五日校



秋澗先生大全文集卷第七十

疏  
伏以聽共民事必先處所之安  
絡繹星輶無匪王人之重  
顧衛輝之公署寔民庶之具瞻  
起蓋年深疏陋日甚飭傳舍固為微末  
論摠治此則本根今將重構一新  
增光六縣俸稍先輸其兩月餘力須藉於眾官  
勢惟乘其一時工可就於不日清香画戟雖云都尹之居  
聖節公筵永祝皇家之壽敢祈同志各署芳銜  
樂藉殷氏醵金疏

秋澗先生大全文集卷第七十

疏

衛輝路總管府重修帥正堂疏

伏以聽共民事必先處所之安  
絡繹星輶無匪王人之重  
顧衛輝之公署寔民庶之具瞻  
起蓋年深疏陋日甚飭傳舍固為微末  
論摠治此則本根今將重構一新  
增光六縣俸稍先輸其兩月餘力須藉於眾官  
勢惟乘其一時工可就於不日清香画戟雖云都尹之居  
聖節公筵永祝皇家之壽敢祈同志各署芳銜  
樂藉殷氏醵金疏

聖節公筵永祝皇家之壽敢祈同志各署芳銜

樂藉殷氏醵金疏



量珠買笑空憶當時餽口為生重過故里李弄玉幾年西邁杜秋娘未老東歸載瞻光祿池臺總是舊游桃李樂籍殷氏者名香佳麗天賦芳溫曾將兩字風流占斷八州烟月此日紛華都識破向來心事欲誰論鳳凰臺上有伴吹簫鼓笛場中何堪把色與行丐歌姬之院且少分隣燭之光萬水千山得一來一瓶一鉢垂老桑間游女固能憐暮雨之詩芳草王孫尚不棄春風之面倘霑餘潤儘富婦裝多寡隨宜以疾為妙謹疏

李府君建碑釀金疏

故汝縣長官李公天祥素負義襟號稱能吏急難多國士之風宰邑有桐鄉之愛去世能幾日有家為一

室短碑卧草未覩瑤鐫孤壠含棲豈勝冥感凡曰相知之舊能無墮淚之傷庶少分魯肅之困共建此陽城之碣瞻言故里永賁出光

請新顯鄉山陽闡庠疏

切以嬰孩教子責在父兄詩禮承家必資師範伏惟顯鄉學師性資純厚賦業優長規模有乃岳之風句讀傳故家之習久訓蒙於柘里今閑處於山陽煩于白社之間載闡青衿之教邑雖十室使盡為忠信之人喜動七賢不負此風烟之勝恭惟短疏具列同盟

重修泰山廟疏

伏以物有生死維岳主司事至隨微須人興葺睠新中之左地儼泰岱之行宮當年廟貌壯麗有餘此日



崑廊摧毀無幾賴陳將軍之果毅曹鄉老之經營一  
備糗糧一鳩工役周垣已興於百堵正殿將復其五  
楹度其工之寔繁計所費以不少若憑衆力可見成  
功使車馬風雲喜降臨之有所官僚戶庶獲福祐以  
無窮謹疏

重修河內公廟化緣疏

惟公德並群哲材優四科為邦致三善之稱折獄有  
片言之譽顧瞻高木懷想其人况此蒲鄉寔維舊治  
民淳訟簡猶沐休風世遠祠存不忘久敬然塵昏像  
設殆緼袍弊故之餘草湍露壇起燕麥動搖之嘆惟  
夫興葺可表尊崇凡我同盟義當少助謹疏

省齋裴先生建碑疏

伏以辭焉不愧緣景行之獨高得之無財於人心而  
能校故武昌節度同知省齋先生兩朝名士一世龍  
門在鴻文大學之間有瑞錦秋濤之譽里雖稱其通  
德墓未表乎豐碑眼中縫掖半門生身後殘膏丐來  
者知歸報本復有望於諸君確石刻銘庶落成於不  
日疑麒麟之碣輝星漢之光匪惟裴氏之獲安  
誠亦士林之美事

為耶律伯明醵金疏

伏以分財曰惠莫先調急之心見義當為功戒後時  
之嘆伯明秀造涑水東丹之後右丞文獻之孫學則  
有餘空至於屢為子娶婦禮尚未完急手謀生力有  
不及顧同志多狐貉之列忍一家有風雪之寒少分



半宴之資可合二姓之好倘蒙薄助請署芳題

張漢臣醵金疏

張漢臣者監司故掾淇奧諸生緼袍傷此日之貧客舍歎故人之雨心關桂玉運阻風波既久淹吏部之除未免索長安之米况臺閣半為鄉舊而燕雲古有義風哀王孫者世為尋常付裝資者日云不少舉船望惠才固匪於建封指困不難時豈乏於子敬蒙滴水而為恩於目下奉千金而敢忘於他時困涸能濡多寡唯命

梁彥升醵金疏 太原人

山頽木壞永哀賢哲之萎高上坎中未遂窀穸之窆異彼齊鄉之悅傷哉季路之貧前進士太原梁公子

彥昇詩禮名家羹牆純孝思雙親而不見抱孤影而自憐秋草萋兮恨隔於九原春露濡而履茲者二紀惟得脫驂而賻乃能大事之襄四十萬非敢望於郭代公五百斛庶少分於范左相<sup>凡</sup>為同好寧不興哀淇水東傾逝者如斯之嘆太行西望慰異鄉久客之心

大繼長醵金疏

國破家亡老作無依之客衣單糧絕誰堪卒歲之憂大先生繼長者渤海名家中朝顯宦功名富貴竟無有文彩風流今尚存黑貂盡季子之裘短布纔甯鄉之爵雖黃髮高年之列奈清霜九月之寒甘餓黜于西山東荆薪而煮白石哀、漂母進簞食以無難戀



戀故人贈緋袍而何有大凡同志能不興懷所願不  
過一金未免上煩多士謹疏

南宮縣文廟三門化緣疏

切惟衣無袖領難以為全行舍戶庭將何自出南宮  
廟學修建有年大殿既完兩序已具獨臺門而未稱  
在衆意以未安須資多助之方可就三楹之勝雲烟  
動色歲來泮水之荒雷霆乍驚玉振殷人之輅倘垂  
重諾請署芳銜

滑州文廟化緣疏

天下之事無大小得人則興郡國之學由古今似緩  
而急蓋庠序乃禮文之地而絃歌為風化之原繫爾  
侯邦號稱文治載瞻清廟有之宏規廊廡卑棲狹僅

容拜宮垣頽圯高不及肩我將易故而增卑衆欲妥  
靈而揭敬輪奐動泮池之藻丹青一繪事之新審致  
大成需資多助垂旒委佩復閭侃侃之儀趨事赴  
功得嘉落之老賢使君業為倡率同僚屬理當  
贊襄母恪援毫重書所諾謹疏

鉅鹿縣講堂化二疏

粵惟大陸寔曰古任創興釋菜之宮舊有明經之室  
年深疎陋日就傾危今擬修崇務敦風化大弓長劍  
其備可息三綱五常非學不立稍聽一丁之論將成  
百室之歌敢伏斯文共成勝事謹疏

為周府君立碑醮金疏

伏以起千年已廢詎能忘利益之恩顧喬木而言尚



未覩麒麟之碣故江淮都轉使周侯除興義重撫字  
恩深公雖云亡德其可後今也有銘不愧墮淚無從  
惟斷石而為特書可於公而見不朽庶圖少報永振  
休聲凡我同盟共成盛事謹疏

汴梁路相國寺化工疏

汴梁路大相國寺住持僧柴某欽奉

聖旨修葺前殿所有化緣疏文合行開具者  
伏以梵宮盤鬱無踰相國宏規傑閣歸存猶是李唐  
遺構浩劫黯浮雲之衛秋風動喬木之悲顧二三之  
殘僧將修完而何力幸蒙  
睿眷尚賴人謀况有生趨嚮而孰匪善心在稽首歸  
依者當體

上意能傾心而樂施或分困以捐金同新般若清光  
與復天人偉觀風鈴如語響泛廟音天女散花有來  
衆士祝延

聖壽載繡貝葉之香翊贊  
皇圖永比彌盧之固謹疏

請陶教授主善疏

切以擇師教子孰無希驥之心傳道解疑須藉鑄金  
之手况木非操則無自圓之理玉惟斷則成就器之  
名伏惟主簿先生經明行修學博才贍聞望素高于  
儒館淵源遠自於顯軒講論造精一之微文辭知古  
今之變惟是青衿之子常瞻絳綬之儀敢瀆師嚴再  
新函丈心專志致深惟體用之方日就月將最切後



先之序以茲誘掖與正斐狂所有束脩開呈于后  
重修開泰寺大功德疏

伏以道不遠人善無先於利益物興有數勢須藉于  
英豪迺眷燕山昔為遼府開泰禪寺者爰因鄴第建  
自樞臣雖復兩朝之增葺何堪雙樹之蕭條如聲色  
香味布施能圓則上下虛空何修不可伏惟  
參政相公才優鞭笞義重規為禪扣愚機派流臨濟  
遠暢神通妙力幾開方便法門莊嚴已擴淨慈天庇  
庶證明羅漢夢况茲金粟影巋今古精藍雨花翳空  
得還舊觀登壇判斷重振玄關盡刮衣盂已是多餘  
香積飯有來福德何嗟不到佛如來載經載營同心

寶祚為  
國拈香

前進士李舜臣姪求子婦醵金疏

切以燕雲尚志情深友義之懷婚媾及時詩美桃夭  
之詠前進士李公舜臣之姪元德為子求婚納徵有  
日奈囊空而羞澁須力濟於英豪或采幣以相投或  
青鳧而見賜連續先人之胤配合二姓之懽如種玉  
而獲珪璋在貧家而得箕帚豈曰小補實荷鴻私免  
女債還敢云遂尚平之志簪纓顧恤庶幾接仲郢之  
風請署芳銜用昭金諾謹疏

銅臺阿丑石氏疏

年方破瓜在故里樂藉者凡四年今嫁



李氏相得甚懽辛巳春以良家來見酒  
間叙話心事追念舊游蓋廿有二年矣  
且有滄州之行求余言為重因書此以

付

去國暮年見似者而輒喜改圖故步念此意之可嘉  
銅臺石氏者穠艷呈霞髻雲綰綠白雪擅郢中之曲  
絳羅捲薛氏之窓玉秀蘭芳風尖月細荏苒四年之  
塵土稱量幾斛之珠琲悔失此身得逢佳配回金沙  
灘頭之夢吹碧桃花下之笙顧自怜度日之難未免  
有當壚之後試看長樂坊頭雪猶自春風醉裏香將  
安排老歲生涯預準備藥爐經卷已蒙重顧來謝鈞  
慈滿地流錢共說平生鞭笞了投竿在水肯教空載

月明歸謹疏

前泉州路總管府推官朱淮故太師徽國  
文公嫡孫今擬於杭州路擇湖山勝地創  
建書院中起文公祠堂教誨子弟奉承香  
火上祝

聖壽無疆次為宗屬明從續考亭道脉之  
傳伏望公鄉士夫喜聞樂助庶資衆力克  
遂初心者

伏以明經傳道深有賴於後人圖報起祠必資成於  
多士况在曾玄之列當膺倡率之勤恭惟晦菴先生  
學貫六經名高諸子始焉講學克紹程張之緒餘展  
也成功直造孔顏之堂與發揮義理昭若日星沒未



及于百年道大行乎四海凡曰進修之者孰非沾溉之餘方

國家之右文宜天下之通祀迺眷餘杭名郡未瞻遺像清光聿修香火之新祠爰擇湖山之勝地計所需而甚廣嘆獨力以難勝少分涓滴之餘波同濟經營之盛事絃歌不絕敢云家學之有傳俎豆斯陳庶使宗風之罔墜倘蒙金諾請署珍銜謹疏

榜

張氏秋香館酒榜

伏以三尺紫簫吹破金臺之月一竿青旆飄搖淇水之春孝先張君系出豪華長居紈綺壯徃五陵之裘馬老尋中聖之家風左顧東城名香新館雖借作育

廉之地已大蒐破敵之兵瀧春溜於連床貯秋香于百瓮與同至樂任價寬沽釐翠罌銀勺之歡是非何有聽白雪陽春之曲風月無邊信不比於尋常莫等閑而空過任使高陽公子從他宮錦仙人爭貫金貂紛摩劔珮繫馬鳳凰樓柱掛纓日月隄扉白骨蒼苔古人安在流光逝水浮世堪驚况百年渾是者能幾迴一月開口者不數日忍辜妙理也作獨醒莫思身後無窮且鬪尊前見在那愁紅雨春圍綉幕之風來對黃花共落龍山之帽快傾銀而注瓦任枕麴以藉糟只空工部之囊扶上山翁之馬前歸後擁盡日而然約

林評事花約



伏以良辰樂事，雖曰難并。旨酒嘉肴，豈容獨饗。茲者小園竹木，粗有堪觀。故里賓僚，可踈一宴。忍教康節，獨擅花時。敢擬右軍，固修禊事。伊誰有語，花枝羞上老人頭。來日無多，此樂莫教兒輩覺。玉盤濯月，已煩竹裏行厨。綉勒攢香，暫簇花邊駿馬。擇于今日二十一日，就弊圃聊備芳罇，伏望群英，早垂光降。

茶約

伏以歡情漸減，豈任杯酌之娛。老境相宜，正有茶香之供。今者策勳茗盃，集勝爐薰。須分旗葉槍芽，選甚鷓斑螺甲。破帟帳梅花之夢，參老夫鼻觀之禪。要追陪七椀家風，共消遣一冬月日。勿謂波中無味，且從靜裡看忙。老懷自嚮，故人多。此樂莫教兒輩覺。我今

首唱盟可同尋，湯響松風已減。却十分酒病，日拖竹杖長行。携兩袖香煙，顧此聞思。咸歸歡樂，謹約。

禊約

四序節氣，春極和而季月為之盛。故古人因三日盛時而為元己之節，然鮮克與己相會。今歲茲辰，適值癸巳，又一盛也。用是約二三知友，讌集林氏花園。所有事宜，略具真率。舊例各人備酒一壺，花一握，楮幣若干，細柳圈一，春服以色衣為上。其餘所需，盡約園主供具。秉簡續詠，辨追洧水歡遊。禊飲賦詩，修復蘭亭故事。

上梁文

大成殿上梁文



寶位

龍飛首闡大猷之化儒宮仄冷鞠為茂草之區恭惟  
總管陳公爰自下車慨焉興感仰體右文之意推明  
樂育之心因政平訟理之秋舉禮在實亡之典大復  
素王之宗重開太極之天予以增聖道之光華鑿晚  
生之耳目矧惟治本一出化原倚欽岳牧之心擬變  
詩書之俗落成有日神化無方折難冠黻佩之徒超  
度受訓易篆刻雕蟲之子執簡傳經奠兩楹之豆籩  
舞三代之韶箴伸嚴祀典咸啟敬心猥承繼掖之流  
可後閔宮之頌有來多士共駕虹梁  
兜郎偉拋梁東萬古宗風一泮宮賴得賢侯扶聖  
教太行元氣魯龜蒙

兜郎偉拋梁南尖下新宮播盛謨一旦詠歸欣有地

北山休掃讀書龕

兜郎偉拋梁西聖學如天不可梯須信小成徒洒掃

互鄉與大賢齊

兜郎偉拋梁北萬象經天瞻拱極文奎高射德星明

昨夜騰光滿營室

兜郎偉拋梁上偃植圓又屹相向人從懸甕發丹書堅

與西山兩無恙

兜郎偉拋梁下遶衛屢為瓊所舍春風綠滿杏壇陰

從以西遊宜稅駕

伏願上梁之後邑多君子世極文明國本固磐石之

安



天子享萬年之壽斯文有在振木鐸於中天遺法復  
行得人材于鄉校舉需寸進仰答  
明時

鎮國寺上梁文

伏以坤儀佐理已收純被之功象教加持妙極大千  
之力爰擇鴻都之右輔聿興蓮宇之新宮我  
國家崇報是圖慈憫為念演三乘而設教歛五福以  
錫民一朝之後罔及於國人萬有之輸悉供于內府  
于是郢斤運巧鄧梓呈材有來神力之無方遂極天  
下之大壯桓楹修棟鬱雲氣之上浮疊拱層櫺屹邱  
山之壁立仍差穀旦共駕虹梁用綴燕絳式伸善禱  
免郎偉小

拋梁東六合天花散曉風  
隻履不煩葱嶺吞九天開  
出梵王宮

免郎偉拋梁西萬劫塵緣妄想迷  
方寸欲明諸佛果  
正須一勺自曹溪

免郎偉拋梁南莫詫龍門萬佛龕  
會使桜權雙樹地  
萬方來此發經函

免郎偉拋梁北萬象森羅朝  
帝極我為禮此玉毫光聖德無量千萬億

免郎偉拋梁上寶氣瓏瑤  
像我今建此內道場  
海會龍華無盡歲

免郎偉拋梁下千里玉畿際  
兩稼年鐘鼓梁清時  
共對人民霑聖化



伏願上梁之後，天低法界，海沸潮音，山河扶縹，戶之光日月，擁雕簷之氣，永將寶供，仰贊皇圖，奠金城不拔之基，祝天子無疆之壽。

亳州太清宮上梁文

至道無名，混太初之一氣，真人首出，廓衆妙之玄門。載歌道德之言，寔翊邦家之化。太上混元上德皇帝，潛輝柱史，肇迹瀕陽，千年丁令，話神遊三尺，兒童知尊聖祖，故歷代備褒之禮，而

皇家極樓觀之雄，雖九

伏於淵泉，而紫氣日纏

于天宇，嗣與有數，今見其人，演化宗師，真人德紹蟠谿，教流白霄，遠乘鶴馭，來住琳宮，爰即遺基，重興丕

構，用篤

皇家之祐，先開紫極之天，及觀成規，有光往制，烟雲

晦，霸車回隱，玉之鑿，仙聖超騰，日仰猶龍之表，恭依

善頌，用駕虹梁

兎郎偉，拋梁東，綿絡鈞天，夢帝宮，適喜頓然，還舊觀

玄都仙客，振孤風

兎郎偉，拋梁西，萬里黃流，入望低，為謝尋源，張博望

故家仙李，又成蹊

兎郎偉，拋梁南，聖牘玄珠，闕不談，且置金華，丹寶說

請從河上，發經函

兎郎偉，拋梁北，玉帛中天，朝萬國，玄風慶會，雪山陽

柱下有人，談道德



兜郎偉拋梁上天蓋蒼、舍萬象西昇不著五千言。  
萬古流沙空悵望。

兜郎偉拋梁下祈福為民崇廣廈道家設教貴無為  
裘葛暄涼自冬夏

伏願上梁之后人麻道廢世沐冷風山河扶綉戶之  
光日月擁雕梁之氣竹宮望祀休誇漢武之祈靈故  
宅徵符已表吾

皇之萬壽

萬壽宮方文上梁文

伏以起百年之構植大本於宗門葺一日之居見恒  
心於君子萬壽宮文室者自昔中和之起廢逮今六  
祖之丕承物既弊而更新制有增而匪舊敞桓楹而

中起翼兩室以傍開雲霞藹疊拱之間燕雀賀華椽  
史之上前瞻玉境通暢玄風後壯宸居擁陪法座况仙  
馭來臨之有日令威歸語以無時工既落成衆孰不  
樂倚疊如山之壯罄單肯構之誠重光動淇水之波  
佳氣鬱太行之色式扶修棟可後歡謠  
兜郎偉

拋梁東燈火春城動竹宮看取洞天開日月佩環聲  
在步虛中

西算、春雲去殿低莫道靈章仙秩峻青霄有路是  
丹梯

南故院當年一畝庵碧瓦朱甍今覆壑後人光大儘  
無慚



北五福從來尊太一碧霞千古振孤風爽、神光長

拱極

上符籙潛珍無盡藏光芒未暇詫青藜六代傳芳生

函文

下玄教扶持衡可迓德星所在風雨時萬里如雲看

多稼

伏願上梁之後教基大闡福地重新五雲來崑閬之

仙六甲秘風雷之奧華簪列拜載光傳度之儀金簡

朝元永肅焚修之供以茲快樂普洽生成

太一宮清蹕殿上梁文

伏以顧瞻琳宇已嚴

上帝之居婉孌

龍姿

聖人之作恭惟

皇帝陛下圖回治道寤寐幽人爰從

潛躍之初重有中和之聘風雲允協文物

道而沃

帝聰曾一言而利天下師今不見意若無

大駕以來臨駐故宫而懷舊漢文授經于河上

加於軒后訪道於崆峒初不踰此以茲

寵渥光極玄門念我後人思皇

睿春故大起

御天之構庶少伸就日之誠既獻歲以保功乃

而考室敢陳善頌用駕虹梁



拋梁東、夜鶴休驚蕙帳空。一自翠華臨幸後，至今鎖春風。

拋梁西、尚記春旗簇伏齋。真氣滿空驚戶牖，光芒暇列青藜。

拋梁南、論道當年有奧談。萬乘貴臨猶望壘，非緣恭決發經函。

拋梁北、金簡朝元瞻。

萬歲永無疆，更願八荒開壽域。

拋梁上、碧瓦朱甍遵大壯。五雲佳氣鬱蓬萊，遊像

思天伏。

拋梁下、華表人歸餘道價。

雨露有偏恩，不遣靈章隨物化。

伏願上梁之後，日月擁雕楹之氣。山河扶綉戶之光

道，以之增輝，真仙為之改觀。雲紅黼座，濃薰花氣

之香。風肅恭壇，光動竹宮之祀。歛茲廣福，錫厥

明時。溥同至樂。

春露堂上梁文

伏以飛鳥知還，固擇安棲之所。弊廬託處，舉懷必葺

之心。秋澗老人，樗櫟散材。萍蓬遠宦，東西南北。兩紀

奔馳，雨露風霜。終年偃薄，以矣壯遊之倦。浩然故里

之歸，延構新堂。不遺舊物，豈獨廣居而移氣。蓋將追

遠以顯親，連甍接棟。而中列三楹，却暑回寒。而旁開



兩室俾春秋寢祭衆免勃礫節序實筵喜同笑語惟  
是時思之切仍題春露之名言舉斯心昇之來者承  
承繼有權無遺佚前人之光鬱葱非祇謂喬木之  
美爰扶修棟例省有權微謠

拋梁東旭日紅駘蕩春風滿太空人喜廟堂真宰出  
不須東觀論青蟲

拋梁西萬瓦齊撲地閭閻似碧雞春露堂中春自好  
何嘗有意夢沙堤

拋梁南合朋簪友道微來不易談正有歲寒三益在  
風簷先種兩株杉

拋梁北  
正統一東巨扶桑略西極一堂雖起有先憂所願八

荒開壽域

拋梁上天蕩日光動太行三萬丈主人投紱已歸來

夜鶴不須驚蕙帳

拋梁下觀治化叶氣薰然衡四逐過門有客問行藏  
蓬累而行得時駕

伏願上梁之後里多仁美門掩春華歲時豐穰問甚  
樂中之菑物情和好爰及屋上之鳥對床賡風雨之  
吟開卷得聖賢之樂倘使少如所願不為虛度此生

秋澗先生大全文集卷第七十



卷之二

五

圖書

初日校





